

公

羊

義

疏

皇清經解續編卷千二百八

南菁書院

公羊義疏二十

句容陳立卓人著

莊九年
盡十年

九年春齊人殺無知疏

齊世家云齊君無知游於雍林雍林人嘗有怨無知及其往游雍林人襲殺無

知告齊大夫曰無知弑襄公自立臣謹行誅唯大夫更立公子之當立者唯命是聽繁露王道云衛人殺州吁齊人殺無

知明君臣之義守國之正也故穀梁傳曰稱人以殺殺有罪也

公及齊大夫盟于暨疏

暨唐石經諸本同左氏作既既暨通段

篇曰部暨與也至也是也杜云既魯地琅邪緡縣北有既亭大事表云在今兗州府嶧縣東八十里一統志既亭在兗州

府嶧縣東故繒城北

公曷為與大夫盟注

据與高後盟諱不言公疏注据與至言

十二年彼經云及齊高後盟于防傳齊高後者何貴大夫也曷為就吾微者而盟公也公則曷為不言公諱與大夫盟也

是也因與大夫盟諱沒公故据以難齊無君也然則何以不名注据高侯名疏

穀梁傳公不及大夫大夫不名無君也注君前臣名齊無君

故大夫不名義異彼以齊無君故不名此以諱與大夫盟不名也注云据高侯名明非眾也杜云

來者非一人故不稱名亦非公羊義注鄰國之臣猶吾臣也君之於臣當告從命行而

使若眾然注鄰國之臣猶吾臣也君之於臣當告從命行而

反敵血約誓故諱使若悉得齊諸大夫約束之者愈也不月

者是時齊以無知之難小白奔莒子糾奔魯齊迎子糾欲立

之魯不與而與之盟齊為是更迎小白然後乃伐齊欲納子

糾不能納故深諱使若信者也不致者魯地也子糾出奔不

書者本未命為嗣賤故不錄之疏注鄰國至愈也○釋文作

左傳在禮卿不會公侯會伯子男可也會目不可盟則甚矣

春秋諸侯之臣見鄰國之君皆稱臣故云鄰國之臣猶吾臣

也君之於臣當告從命行而反與盟故諱之使若眾然杜云

齊亂無君故大夫得敵公蓋春秋議莊公之盟也文七年左

傳云不稱名眾也故此不稱名使若眾然也使若恐得諸大
夫約束之者愈者謂較與一二大夫盟恥少殺也○注不月
至者也○舊疏云公羊之例大信時小信月經今不月使若
信者謂若大信也不謂月非信也齊世家云襄公之醉殺
魯桓公通其夫人殺誅數不當注於婦人數欺大臣擊弟恐
禍及故次弟糾奔魯其母魯女也管仲召忽傅之次弟小白
奔莒鮑叔傅之小白自少好善齊大夫高侯及雍林人殺無
知議立君高國先陰召小白於莒魯聞無知死亦發兵送公
子糾而使管仲別將兵遮莒道射中小白帶鉤小白佯死管
仲使人馳報魯魯送糾者行益遲六日至齊則小白已入高
侯立之是為桓公八年左傳曰初襄公立無常鮑叔牙曰君
使民慢亂將作矣奉公子小白出奔莒亂作管夷吾召忽奉
公子糾來奔其言無知難作子糾來奔與何注同其言小白
出奔在襄公立後與史記同也魯不與糾而與之盟致更迎
小白伐齊不克故深為諱左疏引賈服亦以為齊大夫迎子
糾公不亟遣而盟以安之齊人歸迎小白意謂迎小白者即
盟既之大夫也與何義同穀梁傳常齊無君制在公矣當可
納而不納故惡內也○注不致至地也○舊疏云正決桓二
年秋公及戎盟于唐公至自唐之文也若然定十二年公圍
成公至自圍成內邑書致者彼注云成仲孫邑致者天子
不親征下士諸侯不親征叛邑公親圍成不能服不能以一
國為家甚危若從他國來故危錄之是也○注子糾至錄之

公羊疏二十

二

○舊疏云決桓十年鄭忽出奔衛之故也子糾奔魯宜言來
奔而言出奔者据齊言之也糾小白皆襄公庶弟襄公被弑
故不得有命為嗣事

夏公伐齊納糾疏舊疏云無子字者與左氏經異釋文左氏經

釋文所据左氏作納糾亦作納糾按疏家所据左氏本作納糾

年夏公伐齊納糾左氏公穀並同今左氏經作納糾子糾子衍

文沿唐定本之誤也正義於此引賈逵云不言公子次正也

又於後九月齊人取子糾殺之下引賈逵云稱子者慙之可

見賈景伯本於此無子字正義本作納糾故引公羊傳云糾

者何公子糾也及何休賈逵說又云公羊之說不可通於左

氏次正不稱公子其事又無所出按今定本經文糾之上且

有子字自外入內不稱公子者多唯有楚公子比稱公子蓋

告辭有詳略故為文不同則正義雖不從公羊及賈氏說亦

以自外入內不稱公子者多問有稱公子者以告辭有詳略

故耳則此無子字甚明垂引定本有子為證以難舊義則孔

氏之疏也又取子糾下引公羊傳云其稱子糾何貴也及何

休賈逵說又云按定本上納子糾已稱子則此言子非慙之

也沈云齊人稱子糾故魯史從其所稱而經書子糾知者傳

云子糾親也請君討之豈復是慙之乎劉與賈同沈文何駁

賈劉炫從賈其意雖異然即此可推至是始稱子前但稱糾

而已公羊釋文云納糾左氏經亦作納子糾既云亦作納下
糾以及隋唐皆作納糾公羊疏云無子者與左氏經異穀梁
釋文云伐齊納糾左氏作子糾此皆為定本所誤穀
梁傳不言子糾而直云糾者盟繫在於魯故挈之也

納者何入辭也疏入之辭也其言伐之何注據晉人納捷

蒞于邾婁不言伐疏舊疏云隱七年傳此聘也其言伐之何

此傳非問輕重兩舉而亦言之下十年傳云納者曰侵精者
曰伐戰不言伐圍不言戰入不言圍滅不言入書其重者也

然則侵伐戰圍入滅數者相對是其輕重之名今以納問伐
直據納捷措不言伐而已廣非輕重兩舉故得言之矣按納

與伐非輕重之辭已明傳言之無義例也注據晉至言伐

○文十四年晉人納捷蒞于邾婁是不言伐也通義云據實
入不舉伐納頓一于頓之類是也按戰不言伐圍伐而言納

不言戰舉圍陳已重何庸言伐也不得據彼為難伐而言納
者猶不能納也注伐者非入國辭故云爾疏穀梁傳云當可

而後伐故乾時之戰不諱敗惡內也注引何氏廢疾云三年

湯會齊師伐衛故貶而名之四年公及齊人狩于郕故卑之
日人今親納仇于反惡其晚恩義相違莫此之甚鄭釋之曰
于仇不復則怨不釋屢會仇讎一貶其臣一卑其君亦足以

責魯臣子其餘則同不復讖也至於伐齊納糾讖當可納而不納耳此自正義不相反也劉氏達祿難曰讖可納不納當文自見以不諱敗為惡內非也敗非大惡為王者伸義養威故諱之至於復仇以死敗為榮特不諱以起義人果不量強弱萬死不顧一生而不義殺人者懼矣乾時之戰正責公無復仇之心而在下僅能以為名耳反以為惡內於義短矣按何氏上注云齊迎子糾欲立之魯不與而與之盟齊為是更迎小白然後乃代齊欲納子糾不能納即用穀梁可納不納之義特不以乾時之戰不諱為惡內耳廢疾所云亦非何氏定論通義云伐下納者口所為伐事耳與入辭異不言弗克納者別於納不正者也○注伐者至云爾○舊疏云下十年傳曰狗者曰侵精者曰伐然則伐者雖重於侵仍非入國之義是以此經兼舉其伐見不能納矣按納者內不受糾因不受而伐必非能入國辭故云猶不能納也 糾者何

公子糾也何以不稱公子注据下言子糾知非當國本當去

國見挈言公子糾疏注据下至子糾○上齊下糾嫌與上鄭

子糾殺之傳云其稱子糾何貴也其貴奈何宜為君者也彼

注云故以君薨稱子某言之者著其宜為君則下經舉子見

其宜為君知此經單言糾非當國辭既非當國辭今但宜去

國言公子糾作見挈辭而已今不稱公子故問之穀梁注云

不言子糾而直云糾者君前臣名也注春秋別嫌明疑嫌當

盟繫在於魯故擊之也為齊君在魯君前不為臣禮公子無去國道臣異國義故去

公子見臣於魯也納不致者言伐得意不得意可知猶遇弗

遇例也不月者非納篡辭疏禮記曲禮云父前子名君前臣

義成十六年鄭陵之戰公昭於沖嶽書欲載晉侯鍼曰書退

鍼是書之子是於君前臣名其父也案昭元年左傳秦伯之

弟鍼辭曰臣與焉齒是公子於鄰國君前稱臣事也○注春

秋至為臣○繁露十指云別嫌疑與同類一指也又云別嫌

疑異同類則是非著矣嫌糾但齊君前稱臣魯君前不臣也

○注禮公至魯也○詩柏舟箋云臣不遇於君猶不忍去厚

之至也疏此仁人以兄弟之道責君則同姓之臣故恩厚之

至不忍去也以箴膏肓云楚鬻拳同姓有不去之恩君雖無道不

云箕子比干不忍去皆同姓之臣有親屬之恩君雖無道不

忍去之也白虎通五行云親屬臣諫不相去何法木枝葉

不相離也是公子無去國道也故去公子見臣於魯通義云

稱公子之道也糾既來臣雖四方納之猶當為臣禮下經取
子糾文承齊人乃無君前之義是以得舉貴稱矣○注納不
至可知○上六年注云公獨出用兵得意不致不須致也亦
今此納糾不得入而但書伐其不得意可知故不須致也亦
并不致伐也○注猶遇弗遇例也○遇者應四年公及宋公
遇于清是也弗遇者桓十年公會衛侯于挑三弗遇是也上
六年注云公與一國出會盟得意致地不得意書弗遇者不
遇者正以遇有遇不遇之別明書遇者得意書弗遇者不
意明矣母勞以致不致分也猶此書伐以納下即云齊小白
入于齊弗克納已明不須更致矣○注不月至寡辭○隱四
年注大國寡例月此非納寡故不月也正以決上六年夏六
月衛侯朔入于齊哀六年秋七月齊陽生入于齊之書月為
寡也納糾非寡者子糾次正宜立且下文書齊小白入于齊
為寡辭則此非寡可知非寡而言納所以刺魯之能伐而不
能納也知糾次正者史記敘出奔云羣弟恐禍及故
次弟糾奔魯又云次弟小白奔莒是小白次于糾也

齊小白入于齊

曷為以國氏注據宋公子地自陳入于蕭氏公子也疏注據

子也○鄆本以下同何校云地當作池按見定十一年春當
 云宋公之弟辰及仲佗石疆公子池入于蕭以叛是也

國也注當國故先氏國也不月者移惡于魯也疏通義云小

故書法與齊無知同公羊問答云問後漢鄭眾傳春秋書齊

小白入于齊不稱侯未朝朝故也二說不同何故曰鄭眾為

左氏經師與何氏不同無足異也第後漢書注引公羊以釋

之誤矣注書者於經師家法不可不知也按此與隱元年鄭

段四年衛州吁同義注當國至國也隱元年注使如國

君氏上鄭謂以國為氏也注不日至魯也隱四年注云

大國篡例月此不月明無惡為侈惡於魯其言入何篡辭也

為其不早送子糾致成小白之篡故也其言入何篡辭也

疏舊疏云据桓十七年秋八月蔡季自陳歸于蔡不言入今

言入故難之穀梁傳大夫出奔反以好曰歸以惡曰入齊

公孫無知弑襄公公糾糾公子小白不能存出公孫人殺無

知而迎公子糾於魯公子小白不讓公子糾先入又殺之于

魯故曰齊小白入于齊惡之也白虎通誅伐篇篡者何謂也

篡猶奪也取也欲言庶奪嫡奪宗因奪取其位春秋傳曰

其言入何篡辭也齊世家言小白母衛女也有寵于釐公雍

林人殺桓公非直不受之先君也乃率弗宜為君者而立罪亦重矣明其為篡也

秋七月丁酉葬齊襄公疏

隱三年傳過時而日隱之也注隱痛

公羊義疏二十

也痛賢君不以時葬襄公於前年十一月見弒至此乃葬過
時襄非賢君而亦日隱之者其以上四年賢復仇故與莊元
年之諱取為
遷義同與

八月庚申及齊師戰于乾時我師敗績疏包氏慎言云八月書

時月之十九日杜云乾時齊地時水在樂安界岐流旱則竭
涸故曰乾時水經注瓠子河篇時水又西逕高苑縣故城南
其水側城西注京相璠曰今樂安博昌縣南界有時水西通
濟其上源出般陽北至高苑下有死時中無水杜預亦云時
水於樂安枝流旱則竭耗則春秋之乾時也大事表時水出
今臨淄縣西南二十五里蓋伏淄所發亦謂之彫水平地出
泉曰彫襄三年齊侯與晉士句盟于彫外即此水亦謂之時
灑水以下流與灑水合也方輿紀要時水在青州臨淄縣西
南二十五里其地名矮槐樹舊置郵亭於此平地出泉謂之
彫源淺易涸亦名乾時其色黑俗又謂之烏河齊乘時水之
源南近淄水詳其地形水脉蓋伏淄所發水經注謂時水自
西安城南石洋堰分為一支津西北合黃山之德會水黃阜
之南五里泉至梁鄒入濟旱則涸竭此乾時也
今不通矣益都通泉水唯此通舟未嘗淺涸
內不言敗此其言敗何注据郎之戰疏注据郎之戰○桓十
年冬十有二月丙午

齊侯衛侯鄭伯來戰于郎傳云此偏戰也何以不言師敗績
內不言戰乃敗矣又見桓十二年傳以託王於魯故不言敗
此書敗績 伐敗也注自誇大其伐而取敗疏注自誇至取敗

故難之 又作夸下同校勘記云按夸大字作夸从言者詞之誇誕也
老子道德經不自伐故有功論語公冶長篤願無伐善皆謂
夸大也小爾雅云伐美也史 曷為伐敗注据內不言敗績曷
記功臣侯表明其功曰伐

為自誇大其伐而取敗疏注据內至取敗謂既敗 復讎也
注復讎以死敗為榮故錄之高齊襄賢仇牧是也疏注復讎
至是也

○繁露竹林云春秋惡詐擊而善偏戰恥伐喪而榮復讎又
云今天下之大三百年之久戰攻侵伐不可勝數而復讎者
有二焉謂此及上四年齊襄公滅紀是也通義云復讎者雖
不愛其死要期於有成豈以敗為榮乎特魯之力不能讎齊

力實不敵故春秋因其敗而誇大之若曰幸有此敗莊之忘
讎乃可以自解云爾然苟竭其智力師喪分焉卒不得報君
子亦怨之矣齊魯皆非能復讎者而假襄公以見復讎之榮

善又假莊公以寬不能復讎之責皆所以因事託義善為後
法○注高齊至是也○上四年紀侯大去其國傳曷為不言
齊滅之為襄公諱也春秋為賢者諱何賢乎襄公復讎也襄
公羊義疏二十

公將復讎于紀卜之曰師喪分焉寡人死之不為不吉也下十二年傳何賢乎仇牧仇牧可謂不畏強禦矣仇牧聞君弑趨而至萬臂殺仇牧碎其首是皆以死敗為榮者也不及孔父者孔父死在虜公前仇牧聞君死趨至有復讎之志故舉也此復讎乎大國曷為使微者注据納子糾公猶自行即大

夫當有名氏疏注据納至名氏○即上公伐齊納糾是也舊

故言此通義云据不出主名似內微者文公也注如上据知為公疏注如上据知

也見廣雅謂若上納糾猶書公則曷為不言公不與公復讎

也曷為不與公復讎注据諱與讎狩疏注据諱與讎狩○上

部傳云公曷為與微者狩齊侯也齊侯則其稱人何諱與讎

狩也公與讎人狩春秋諱而不書此復讎宜見與故据而難

之復讎者在下也注時實為不能納子糾伐齊諸大夫以為

不如以復讎伐之於是復讎伐之非誠心至意故不與也

書敗者起託義戰不致者有敗文得意不得意可知例疏義通

云下猶後也義如下武維周之下木讎襄公而復之於桓公
故言復讎者在其後世也時實以不能納子糾怒桓而託名
復讎伐之桓又非讎子故不與復讎也令實復讎方善錄之
不當沒公沒公者起非實復讎按孔義下作後解亦通○注
時實至與也○爲不能鄂本末本闕本同監本毛本爲不能
誤倒作不能爲何義下謂臣下按君父之讎人人所共復讎
之志出於臣下故沒公文也○注書敗至義戰○舊疏云春
秋之例內言戰乃敗矣今經文上文云戰于乾時內敗明矣
而又言我師敗績者起託義以敗爲榮也按疏標起訖以起
託義絕句非當義戰逗繁露竹林云夫德不足以親近而文
不足以來遠而斷斷以戰伐爲之者固春秋所甚疾已皆非
義也難者曰春秋惡詐擊而喜偏戰恥伐喪而榮復讎奈何
以春秋爲無義戰而盡非之也是託義戰之義也○注不致
至知例○上六年注云公獨出用兵得意不致不得意致伐
此敗績不得意明故不致
也從可知例省文故也

九月齊人取子糾殺之

其取之何注 據楚人殺陳夏徵舒不言取執齊慶封殺之言

執也疏 唐石經作其言取之何請本誤脫言字○注據楚至

公羊義疏二十

四年楚子蔡侯陳侯伐吳執齊慶封殺之是言執不言取也 內辭也齊我使我殺之也注

以下浚洙知其脅也以稱人共國辭知使魯殺之時小白得

國與鮑叔牙圖國政故鮑叔薦管仲召忽曰使彼國得賢已

國之患也乃脅魯使殺子糾求管仲召忽魯惶恐殺子糾歸

管仲召忽死之故深諱使若齊自取殺之疏 齊者書偽古文

泰誓脅權相滅皆為以威力恐人也說文肉部脅兩勝也掖

下為脅引申之迫脅人如在肘腋下也曰脅也故下二十五

年傳或曰脅之注云與責求同義皆與迫脅意近也注以

下至脅也下浚洙傳浚之者何深之也曷為深之畏齊也

曷為畏齊也辭殺子糾也因被脅而畏因畏而浚洙故云以

下浚洙知也注以稱至殺之舊疏云謂不言齊鮑叔取

子糾殺之而言齊人則知一人之號兩國共有一人之號既

兩國共有則知齊魯皆有殺子糾之惡矣按不書齊人亦宜

書齊侯見歸獄于齊不得書齊鮑叔也舊疏非又共國當作

國共隱六年鄭人來輸平傳曰吾成敗矣吾與成人未有成

也注此傳發者解稱人為共國辭段氏玉裁校彼注疏云一

箇人字兩國共有當是共非非國也也是也又彼傳諱獲也

下注云稱人共國辭者嫌來輸平獨惡鄭明鄭擅獲諸侯魯不能死難皆當絕之與此齊魯同惡同故也○注時小至殺之○釋文作邵忽云本又作召齊世家云秋與魯戰于乾時魯兵敗走齊兵掩絕魯歸道齊遺魯書曰子糾兄弟弗忍誅請魯自殺之召忽管仲糾于渠瀆召忽自殺管仲請囚桓公之主魯人患之遂殺子糾于渠瀆召忽自殺管仲請囚桓公之主發兵攻魯心欲殺管仲鮑叔牙曰臣常得從君君竟以立君之尊臣無以增君君將治齊即高侯與叔牙足矣君且欲霸王非管夷吾不可夷吾所居國重不可失也於是桓公從之乃詳為召管仲欲甘心實欲用之管仲知之故請往管子小匡篇桓公自莒反於齊使鮑叔牙為宰鮑叔辭曰君有加惠於臣使臣不凍餒則是君之賜也若必治國家則非臣之所從也其唯管夷吾乎臣之不如夷吾者五寬惠愛民臣不如也治國不失秉臣不如也忠信可結於諸侯臣不如也制禮義可法於四方臣不如也介冑執枹立於軍門使百姓皆加勇臣不如也夫管仲民之父母也將欲治其子不可棄其父母公曰管夷吾親射寡人中鉤殆於死今乃用之可乎鮑叔曰彼為其君勤也君若宥而反之其為君猶是也公曰然則為之奈何鮑叔曰君使人請之魯公曰夫施伯魯之謀臣也彼知吾將用之必不吾與鮑叔曰君詔使者曰寡君有不令之臣在君之國願請之以戮於羣臣魯君必諾且施伯之智夷吾之才必將致魯之政夷吾受之則魯能弱齊矣夷吾

不受彼知其將反齊必殺之君亟請之不然無及公乃使鮑叔牙行成曰公子糾親也請君討之魯人為殺公子糾又曰管仲讎也請受而戮之魯君許諾施伯謂魯侯曰勿與之非戮之也將用其政也管仲天下之賢人也今齊求而得之必且長為魯國憂君何不殺之而授其屍魯君曰諾將殺管仲鮑叔趨進曰殺之齊是戮齊也殺之魯是戮魯也寡君願生得之以徇於國於是魯君乃不殺生束縛以與齊左傳鮑叔帥師來言曰子糾親也請君討之管仲請囚鮑叔受之及堂阜而乃殺子糾于生賣召忽死之管仲請囚鮑叔受之及堂阜而脫之歸而以告曰管夷吾捨於高後使相可也公從之國語齊語亦有其事詳略互見魯為齊脅殺子糾恥甚故分惡於齊使若齊自殺又稱人為國共辭所謂沒其文不沒其實也

其稱子糾何注 据不立也疏 注据不立也。○下三十二年傳云君存稱世子君薨稱子某然則以子配名嗣君在喪之稱糾未立稱子糾故難之 **貴也其貴奈何宜為君者也注** 故

以君薨稱子某言之者著其官為君明魯為齊殺之皆當坐弑君因解土納言糾皆不為篡所以理嫌疑也月者從未踰

年君例主書者從齊取也疏 隱元年傳云立適以長不以賢立子以貴不以長注子謂左右

媵及姪婦之子位有貴賤不防其同時而生故以貴也蓋魯女位次貴於衛女故子糾視小白為貴子以母貴也○注故以至為君○舊疏標起訖無者字宜為衍文左疏引賈云不言公子次正也李氏貽德左傳賈服注載述云管子齊傷公生公子諸兒公子糾公子小白又曰諸兒長而賤是喪公本為庶長而子糾為次正矣公羊傳其稱子糾何貴也白虎通封公侯春秋經曰齊無知殺其君貴妾子公子糾當立也亦以糾為次正也春秋之例諸侯庶子皆得稱公子以糾為次正故不書公嫌與庶子同也齊氏召南考證云按史記齊世家襄公次弟糾其母魯女也次弟小白其母衛女是糾為兄小白為弟可為此傳之證毛氏奇齡春秋傳云按史世家子糾者小白兄故荀卿曰桓公殺兄以反國莊子桓公殺兄入嫂而管仲為臣越絕書管仲臣於桓公兄公子糾管子大匡亦曰齊僖公生公子諸兒公子糾公子小白又曰鮑叔傅小白辭疾不出以小白幼而賤不欲為傅故也則明明子糾是兄小白是弟而胡氏引據有云史稱齊桓殺其弟以反國一語惟考漢淮南王傳淮南厲王不法文帝令薄昭以書責之有曰昔周公誅管蔡以安周齊桓殺其弟以反國其云弟者以文帝是兄故諱言兄而言弟韋昭本注所謂子糾本兄而稱弟者不敢斥也胡氏以程子曾誤讀漢書早有桓兄糾弟之說而又承程子之誤紊亂倫次誣妄立說於以誤天下後世所繫匪淺也按杜氏亦云小白僖公庶子公子糾小白庶

兄又韓非子桓公五伯之上也爭國而殺其兄其利大也說
 苑尊賢篇將謂桓公仁義乎殺兄而立非仁義也又鮑叔曰
 昔者公子糾在上而不讓非仁也尹文子無知被殺二公子
 爭國糾宜立者也小白先入故齊人立之朋子糾宜立故與
 以君薨稱子某之稱也○注明魯至弑君○殺梁傳言取病
 內也取易辭也適曰取其子糾而殺之云爾十室之邑可以
 逃難百室之邑可以隱死以干乘之魯而不能存子糾以公
 為病矣所以魯亦當坐弑君也故稱人以見國共也○注因
 辭至疑也○通義云公子糾乃襄公之弟桓公之兄時襄公
 無適嗣貴莫如糾也齊世家次弟糾奔魯次弟小白奔莒莊
 子曰小白殺兄人妙荀子曰齊桓五伯之盛者也前事則殺
 兄而爭國檢諱諸文並是糾長故次宜為君乃或專據薄昭
 詭詞以為桓兄糾弟諺矣又如所徵史記參之管子大匡曰
 齊僖公生公子諸兒公子糾公子小白皆魯公之子非襄公
 子也有罷於僖公明糾與小白皆魯公之子非襄公諸納所
 當立耳故知上言納糾非篡矣舊疏云此經若不君子糾上
 納言糾有當國之嫌後人疑其篡矣今作嗣君之稱則知上
 單言糾作君前臣名之故也所以理嫌疑也按白虎通封公
 侯篇君見弑其子得立何所以尊君防篡弑也春秋經曰齊
 無知弑其君明貴妾子公子糾當立也班氏所据多公羊家
 說則公羊以子糾為襄公子襄無適子糾為貴妾子宜立
 故上齊小白入于齊傳曷為以國氏謂國也其言人何篡辭

也是桓公之立有篡宗之罪故經書入以貶之也○注月者
至君列○春秋之例弑成君例曰隱四年春二月戊申衛州
吁弑其君完注曰者從外赴詞以賊聞例又宣二年秋九月
乙丑晉趙盾弑其君夷舉宣四年夏六月乙酉鄭公子歸生
弑其君夷之屬是也僖九年晉里克弑其君之子奚齊注云
弑未踰年君例當月不月者不正遇禍終始惡明故略之然
則未踰年君當月此子糾見弑書月明從未踰年君例也奚
齊因不正故略而不月若然僖十年春正月晉里克弑其君
卓子其成君亦不日者彼注云不日者不正遇禍終始惡明
故略之義與奚齊同也此外諸侯之例至若莊三十二年子
般卒之書曰文十八年子卒之書曰皆未踰年君而已與不
日不同自以所傳聞世與所聞世之異當文各自有解也○
注王書至取也○舊疏云言主書此事
者正欲從而罪齊但因見魯之惡耳

冬浚洙

洙者何水也

注以言浚也疏

杜云洙水在魯城北下合泗水

縣北分為二流注云北為洙濟春秋莊九年書浚洙京相璠
杜預並言洙水在魯城北浚深之為齊備也南則泗水夫子
教於洙泗之間從征記曰洙泗二水交於魯城東北十七里
闕里皆洙泗去洙水百步餘說文水部洙水出泰山蓋縣臨

樂山北入泗段氏玉裁注云泰山郡蓋二志同今山東沂州

府沂水縣西北七十里有蓋城是也前志蓋下云臨樂于

山洙水所出西北至蓋入池水水經曰洙水出泰山蓋縣臨

樂山西南至卞縣入於泗按此條水經與志迥殊志云臨樂

于山者謂勃海郡臨樂縣之于山也本其源而言故下云至

蓋非謂洙出蓋也而經注皆刪于字謂臨樂為蓋縣山名其

亦誤也池注引作泗云或作池蓋字誤夫經注皆云泗水出

卞縣不云出蓋縣又皆云洙水至卞入泗不云至蓋入泗然

則卽收池為泗亦與水道不合安知班氏時無池水抑或

知何字之誤而竟作泗字也杜樸例云出魯國東北西南入

沈水下合泗乃作沈字俟攷蓋洙水在班時已非故道故其

書法不同他水至秦隴時更昧於臨樂之源乃誣班為出蓋

觀春秋莊九年浚洙知其易漂也許亦云出泰山蓋臨樂山

北入泗恐非許氏原文淺人用水經改竄之耳今洙水在曲

阜北四里上不得其原下流不入泗而入沂又非鄭氏之舊

蓋湮沒已久以是冒之耳○注以言浚也○舊疏云正以與

尚書浚畎澮之文同故知水名今尚書作濬畎澮

距川玉篇濬下云同浚史記五帝本紀亦作浚

深也疏詩小弁云莫浚匪泉傳浚深也大戴記文王官人云

深也鄭作濬爾雅釋言濬深也書皋陶謨之濬畎澮說文谷

部作容畎澮距川然則訓深者容正字浚段借字浚於說文

訓孖也繫傳孖取出之也水部之濬訓
深通川也同殺梁傳浚洙者深洙也
曷為深之注据本非

人功所為疏注据本至所為舊疏云正言
畏齊也注洙在

魯北齊所由來疏地城郭飭溝壘以禦寇固國春秋曰冬浚

洙修地利也注洙在至由來杜亦云洙在魯
曷為畏齊

也注据伐敗也疏注据伐敗也即上傳云此其言敗何辭

殺子糾也注時魯親見脅畏齊浚之微弱臨甚故諱使若辭

不肯殺子糾也齊自取殺之畏齊怒為備亦所以起上脅也

疏唐石經作殺鄂本宋本閩本監本毛本殺作役誤注時

子糾致齊自取殺之因浚洙為備皆以諱畏齊也上注云以

公据中土之地承聖人之後不修周公之業繼先人之體尚

權仗威有萬人之力懷兼人之強不能存立子糾國侵地奪

以洙泗為竟俞氏據云宣四年傳其言不肯何辭取向也解

平伐取其邑以弱之者愈也然則此傳辭殺子糾也文法與
彼同亦當解云為殺子糾作辭也既行義不終故託為畏齊
之甚不得已而殺之也蓋魯之納子糾義也其卒為齊殺子
糾不義也殺梁傳曰以干乘之魯而不能存子糾以公為病
矣疑當時諸侯必有以此病魯者故魯人浚洙以自解耳此
辭字乃從而為之辭之辭非固辭不獲命之辭何氏以為辭
不肯殺子糾失之矣

十年春王正月公敗齊師于長勺疏

杜云長勺魯地大事表云路史曰成王以商民六族

賜魯有長勺氏尾勺氏此蓋商民所居書月者詳戰也

二月公侵宋

曷為或言侵或言伐猶者曰侵注猶曷也將兵至竟以過侵

責之服則引兵而去川意尚顯疏

注猶曷也○校勘記周禮大司馬注引作粗者曰侵

按何注猶曷也周禮音義云粗音羸本亦作羸何訓猶為羸而鄭引傳即作粗猶何訓野為鄙而鄭引傳即作鄙留也按禮記月令其器高以粗呂覽粗作猶漢書藝文志庶得羸猶又敘傳猶舉條職師古注猶粗略也大略也○注將兵至尚

禮○周禮大司馬職負固不服則侵之鄭注侵之者兵加其
竟而已用兵淺者說文人部侵漸進也與浸義近詩下泉浸
彼苞稂兵至竟服則去若精者曰伐注精猶精密也侵責之
水之浸物然也故用意精

不服推兵入竟伐擊之益深用意稍精密疏○說文米部精
擇也又廣韻精熟也細也專一也皆與精密義近易繫辭傳
精義入神亦謂精密其義也○注侵責至精密○白虎通誅
伐籍伐者何謂也伐者擊也言欲伐擊之也尚書敘曰武王
伐紂類聚引說題辭云伐人者深人國內行威有所斬壞伐
之為言敗之也周禮大司馬職賊賢害民則伐之注云伐者
兵入其境鳴鐘鼓以往所以聲其罪兼用公羊左氏兩傳義
也通義云周官九伐之法負固不服則侵之賊賢害民則伐
之明侵伐皆王者之師堂堂正正之名而左氏以輕師偃鐘
鼓為侵失矣伐者深入其境侵者害淺故春秋之義侵善於
伐侵伐例皆時唯內書公侵者恒舉月蓋善錄之按詩采薇
箋云三有勝功謂侵也伐也戰也疏云此侵伐戰三傳之說
皆異左傳有鐘鼓曰伐無曰侵皆陳曰戰穀梁拘人民驅牛
馬曰侵斬樹木壞宮室曰伐公羊稱獨者侵精者伐是也周
禮大司馬職注引春秋傳曰精者曰伐又曰有鐘鼓曰伐則
伐者兵入其境鳴鐘鼓以往侵者兵加其境而已然則鄭參
用三傳文也周禮侵伐相對故侵為用兵淺者其實侵不但

無鐘鼓耳雖深入亦謂之侵故僖四年諸侯侵蔡蔡潰遂伐楚是深入名侵也伐名施於重入境雖淺亦名伐故經書莒人伐我東鄙及齊侯伐我北鄙纒伐界上是淺亦稱伐也侵伐則主國之師未起直入境而行若主國出禦則曰戰故左

傳皆陳曰戰不言伐注舉戰為重黎戰是也合兵血刃曰戰

疏注舉戰至曰戰○毛本為誤謂鄂本黎誤犂齊氏召南考

來戰于宋已發傳矣存說于此按此通發伐戰圍人滅之例故

又言戰不言伐以別輕重也○注合兵至曰戰○白虎通誅

伐云戰者何謂也尚書大傳曰揮警之也春秋臧曰戰者延

改也延改益延攻之圍不言戰注舉圍為重楚子圍鄭是也

以兵守城曰圍疏注舉圍至是也○見宣十二年楚子圍鄭

圍○說文口部圍守也周禮大宗伯以贈禮入不言圍注舉

哀圍敗謂環兵圍繞受害較重故有贈禮也入不言圍注舉

入為重晉侯人曹執曹伯是也得而不居曰人疏注舉入至

僖二十八年通義云入其郭是也按外郭謂之郭故入重于

圍○注得而至曰入○左傳造其國都曰入弗地曰人注謂

勝其國邑不有其地也入者逆
而不順非王命而人人國也
滅不言入注舉滅為重齊滅

萊是也取其國曰滅疏注舉滅至是也○見襄六年○注取

鳥獸行則滅之注王霸記曰悖人倫外內無以異于禽獸不

可親百姓則誅滅去之也說文水部滅盡也取其國邑毀其

宗社故為盡也大司馬疏云春秋公羊左氏說凡征戰有六

等謂侵戰伐圍入滅用兵騷物不聲鐘鼓入境而已謂之侵

而聲鐘鼓伐而不服則圍之謂而四郭圍而不服則入之

謂入其四郭取人民不有其地入而不服則滅之謂書其重

者也注明當以重者罪之猶律一人有數罪以重者論之月

者屬北敗彊齊之兵南侵彊宋南北有難復連禍於大國故

危之疏注明當至論之○繁露十指云舉事變見有重焉則

律也史記李斯傳具斯五刑漢書刑法志云漢興之初尚有

夷三族之令今日當三族者皆先黔劊斬左右止笞殺之梟

其首趙其骨肉於市其誹謗詈詛者又先斷舌故謂之具五

刑韓信彭越皆受此誅暴秦之為禍烈矣高后元年乃除三

族罪祇言令尚書甫刑傳子張曰堯舜之主一人不刑而天下治何則教誠而愛深也十夫而被此五刑子龍子曰未可謂能為書康成注云二人俱罪呂侯之說刑也被此五刑喻犯數罪也孔子曰不然也五刑有此教注云教然耳犯數罪猶以上一罪刑之此與漢律一人數罪以重者論之同義唐律名例亦云諸二罪以上俱發以重者論疏議云假有甲任九品一官犯盜絹五疋徒一年又私有稍一張合徒一年半又過失折人二支合贖流三千里是為二罪以上俱發從有禁兵器斷徒一年半按今律亦有二罪俱發以重論條輕罪不議也○注月者至危之○舊疏云侵伐例時即上九年夏公伐齊之屬是也今考月故如此解穀梁傳曰侵時此其月何也乃深其怨於齊也又退侵宋以眾其敵惡之故謹而月之是也

三月宋人遷宿

遷之者何不通也注以其不道所遷之地疏注以其至之地○宋本本同

闕本監本毛本道誤通疏同蓋與傳不通相涉也舊疏云正以不道于某知非實遷矣以地還之也注

還繞也解上不通也不通反為遷者宋本欲遷宿君取其國

不知宿之不肯邪宋逆詐邪先繞取其地使不得通四方宿

窮從宋求遷故得言遷疏禮記曲禮疏而遷屢注遷或為還

還也○注還繞至通也○荀子成相篇比周還主黨與施注

還繞也禮記檀弓右還其封注還闡也闡亦繞也按還即環

字士喪禮有巾環幅不繫注古文環作還九經古義云春秋

傳諸侯之師還鄭而南又哀三年道還公宮公羊傳以地還

之又云師還齊侯漢書食貨志云還廬樹桑皆讀為環按此

蓋周禮大司馬之杜也大司馬職曰犯令陵政則杜之注杜

之者杜塞使不得與鄰國交通與圍義別圍則以兵繞之此

則繞取其地也○注不通至言遷○惠氏士奇春秋說云周

宮謂之杜春秋謂之遷遷紀遷宿遷陽皆是也公羊讀遷為

還謂以地還之使不通何氏訓還為繞謂還繞其地使不得

通四方非杜而何絕謂之杜改謂之遷蓋改其土地之宜絕

其往來之道如成二年傳卻克使齊之封內盡東其畝公穀

皆曰是杜齊也杜齊者謂改其土地絕其往來杜省作土故公穀皆作土也子沈子曰不通者蓋

因而臣之也注以宋稱人也宿不得通四方宿君遷宋因臣

有之不復以兵攻取故從國辭稱人也月者遷取王封當與

滅人同非書者宋當坐滅人宿不能死社稷當絕也主書者

從宋也疏穀梁傳曰遷凶辭也其不地宿不復見也注為人

是也疏云春秋言遷有二種之例一表凶辭者此文是也二

見存凶國者刑遷于夷儀是也於元年遷紀發傳者彼以

紀侯賢經變文以示義非正故不發之穀梁不必同公羊以

地還之義其謂因而臣之一也注以宋至人也稱人者

貶辭也杜云宋強遷之而取其地故文異於邢遷貶宋稱人

故知為因而臣之也通義云因而臣之者因取之以為宋附

庸也所遷之地四面還統皆宋邑不得外通雖未絕世與奪

國同九伐有犯令凌政則杜之鄭司農曰杜塞使不得與鄰

國交通此近是與穀梁傳遷者猶未失其國家以往者也注

謂自遷者僖元年邢遷于夷儀成十五年許遷于葉之類是

也彼二傳曰遷者所得其國家者也此傳云遷者猶未失其

國家以往互文也此即孔氏所本與不以兵取故不稱師從

國辭稱人者惡宋也注月者至絕也通義云遷之者例

月舊疏云春秋之例大國之遷例月即僖三十一年十有二

月衛遷于帝丘是也小國時者即昭九年春許遷于夷之屬

是也今此宿是小國宋人遷之而反書月故云月者遷取王

封當與滅人同罪也其滅國書月即下冬十月齊師滅譚十

三年夏六月齊人滅遂之屬是也宿不能死社稷當絕者包

氏慎言云國君守社稷者也不能守社稷而聽人遷非效死
弗去之義也故絕之按下譚子奔莒云月者惡不死位也此
宿君本未出奔故於其遷以起之○注主書者從宋也○舊
疏云言主書此事者正欲從而罪宋因見宿君不死之惡耳

夏六月齊師宋師次于郎公敗宋師于乘杜云乘在魯地疏大事表云漢秦

山郡有乘巨縣顏師古曰卽春秋乘也括地志乘在瑕
巨縣西北三十五里今兗州府志滋陽縣西南有古瑕丘城

地理志濟陰郡乘氏下云泗水東南至睢陵入淮過郡東行
千一百一十里應劭曰春秋敗宋師于乘是也又泰山郡

乘丘下云師古曰春秋莊公十年公敗宋師于乘丘卽此是
也與杜說合一統志乘丘故城在兗州府鉅野縣西北又以爲

漢濟陰之乘氏縣乘氏故城在曹州府鉅野縣西南按前志
乘氏注應劭曰敗宋師于乘是也續志注亦曰乘氏古乘

丘馬氏宗棧左傳補注云應劭地理風俗記曰濟陰乘氏縣
故宋乘丘邑漢志泰山郡乘氏縣顏氏注公敗宋師卽此地

棧按魯師自雩門竊出雩門魯城門則敗宋師必在魯之近
郊括地志乘丘在瑕巨縣西北水經泗水注泗水西南逕魯

縣北又西過瑕丘縣東瑕丘與魯縣接界則乘丘爲魯近郊
地故元凱直斷爲魯地濟陰乘氏應劭張華鄆元雖皆言爲

春秋之乘丘非魯近郊故未有言魯敗宋師于此小顏注不
足据惠棟反據此以駁元凱魯地之非亦誤禮記正義亦云

乘丘魯地水經注荷水分濟於定陶縣北東南徑乘氏故城南胡氏謂謂即春秋之乘丘今鉅野地按郎為魯近邑則乘丘去魯必不遠馬氏得之矣

其言次于郎何注据齊國書伐我不言次敗不言乘丘疏注

齊至乘丘○按据齊國書伐我不言次此注衍蓋涉下注誤也又敗不言乘丘不字衍何意蓋以敗言乘丘與郎言次于

義似非故難之伐也注時伐魯故書次郎魯地疏為兵主背蘇之盟

義與長句同公羊無此義按郎為魯地故知為伐伐則其言次何注据齊國書伐我

不言次疏注据齊至言次○即哀十一年齊與伐而不與戰故

言伐也注此道本所以當言伐意也齊與伐而不與戰伐兵

得成故當言伐也疏注此道至伐也○各本故作敗誤依郎

別之故不得從戰不言伐例也然又不直書伐者郎者吾近邑與四鄰異不可言伐須為變文也按何意以傳義為齊未

成伐若已成伐但不與戰則須書伐也我能敗之故言次也注此解本所以不

言伐言次意也二國纔云次未成於佚魯即能敗宋師齊師
罷去故不言伐言次也明國君當通折衝當遣魯微弱深見

犯至於近邑賴能速勝之故云爾所以疆內且明臣子當將

順其美匡救其惡疏

注此解至次也○通義云我能敗之故先言次後言敗對桓十年來戰于郎為

我不能敗之故也左傳曰齊師宋師次于郎公從之宋師

不整可收也自齊門竊出蒙臯比而先犯之公從之大敗宋

師于乘丘齊師乃還此詐戰不日之證按左傳明二國皆

纒止次未成於伐魯敗宋師齊師即去也故言次不言伐宋

本纒作護鄂本止作上皆誤○注明國至疆內○說苑指武

云夫兵不可玩玩則無威兵不可廢廢則召必恃夫差好戰

而凶徐偃王無武亦滅故明王之制國也上不玩兵下不廢

武易曰存不忘亡是以身安而國家可保也魯敗乾時浚洙

微弱之甚至二國師次近邑鄰而能勝之故書以疆內殺桀

傳曰疑戰而曰敗勝內也亦即疆內義○注且明至其惡○

舊疏云孝經及襄十四年左傳文言為臣子之法宜行君父

之義順君父之美即此上注云賴能速勝之是也若見君父

之惡當正而救之即上注云魯

微弱深見犯至於近邑是也

秋九月荆敗蔡師于莘以蔡侯獻舞歸疏杜云莘蔡地大事表云在今汝甯府汝陽

縣境舞毅梁傳作武古武舞通詩維清序奏象舞也獨斷云維清奏象武之所歐也又隸釋武梁祠堂畫象舞陽洪云

碑以秦武陽為秦舞陽

荆者何州名也注州謂九州冀兗青徐揚荆豫梁雍疏注州謂至

梁雍○宋本冀作兗非見禹貢彼云冀州既載濟河惟兗州海岱惟青州海岱及淮惟徐州淮海惟揚州荆及衡陽惟荆

州荆河惟豫州華陽黑水惟梁州黑水西河惟雍州冀州無界舊疏引鄭注云兩河間曰冀州不書其界者時帝都之使

若廣大然是也其屬雅釋地云兩河間曰冀州河南曰豫州

河西曰雍州漢南曰荆州江南曰揚州濟河間曰兗州濟東曰徐州燕曰幽州齊曰營州又周禮職方氏云東南曰揚州

正南曰荆州河南曰豫州正東曰青州河東曰兗州正西曰雍州東北曰幽州河內曰冀州正北曰并州爾雅殷制周禮

周制故也通義云漢南曰荆州以州舉者略之若言荆州之蠻云爾不詳別其國部意也所傳聞之世方內其國而外諸

夏蠻夷猶未及錄故深略之至所聞之世內諸夏而外表狄荆始進稱楚其災初通上國已在成公之末故始見即得以國書矣詩疏引賈逵云秦始皇父諱楚而改為荆亦以其居

則州故因諱而改之然則僖公以後又何以書楚乎穀梁傳曰荆者楚也何為謂之荆狄之也何為狄之聖人立必後至天子勢必先叛故曰荆狄之也州不若國國不若氏氏不若人人不若名名

不若字注皆取精詳錄也疏舊疏云州不若國言荆不如言

甲氏氏不若人言路氏不如言楚人人不若名言楚人不如言介葛盧名不若字言介葛盧不如言邾婁儀父○注皆取至錄也○舊疏云正以貴字不若子注爵最尊春秋假行事重為詳錄輕賤為略之也

以見王法聖人為文辭孫順善善惡惡不可正言其罪因周

本有奪爵稱國氏人名字之科故加州文備七等以進退之

若自記事者書人姓名主人習其讀而聞其傳則未知己之

有罪焉爾猶此類也疏舊疏云言邾婁儀父不如言吳子楚

以進退四夷黜陟小國極於子者禮所謂東夷北狄西戎南蠻雅大曰子之義也是春秋所託王者法也按馮衍傳顯志賦云黜楚子於南郢兮子雖最尊謂蠻夷之尊者耳○注春秋至王法○舊疏云即孔子曰我欲託諸空言不如載諸行

亦是也。○注聖人至其罪。○舊疏云若其善善可正言其美
 但以惡惡不可正言其罪。若正言其罪則非孫順之義。故此
 何氏偏以其罪言之。○注因周至之科。○舊疏云卽隱元年
 邪婁儀父注云稱字所以得為褒者春秋前失爵在名例之
 屬是也。○注故加至姓名。○舊疏引說題辭云北斗七星有
 政春秋亦以七等宣化。又引運斗樞云春秋設七等之文以
 貶絕錄行應斗屈伸按繁露爵國云春秋曰荆傳曰氏不若
 人。人若不若名。名若不若字。字若不若號。號若不若爵。爵
 以尊之。皆以國邑為號。其無德於天地之間者。州國人民甚
 者不得繫謚。例亦云七等者。州國氏人名。字。子是也。○注主
 人至類也。○見定元年傳。彼注云此假設而言。蔡侯獻舞何
 之主人謂定哀然則此主人謂此七等者也。

以名注 据獲晉侯不名疏 注据獲至不名。○見僖十五年彼
 師敗績也。注舉絕疏。唐石經諸本同。僖二十六年疏引此作
 君獲為重也。絕疏。絕之以意。添之字也。禮記曲禮云諸侯
 失地名注絕之疏。引春秋莊十年刑敗蔡師于莘。以蔡侯
 獻舞歸。公羊云何以名絕。曷為絕之。喪也。此失地名也。曷

為絕之注 据晉侯不名絕疏 注据晉至名絕。○僖十五年傳
 人君者皆當絕也。然則晉侯書獲已明。不須書名。絕義已起
 又兼惡獲人君者罪同也。曲禮又云諸侯不生名。蓋生名者

絕晉侯雖未生獲也注獲得也戰而為敵所得獻舞不言獲名仍當坐絕

故名以起之疏注獲得也詩皇矣其政不獲箋云獲

鄭注獲猶得也周禮朝士云凡得獲貨賄人民六畜者注俘

而取之曰獲相八年傳侵而言獲者適得之也與此戰而為

敵所得同也穀梁傳蔡侯何以名也絕之也何為絕之獲也

○注獻舞至起之○不與夷狄獲中國叔不言獲又無以起

其當絕故書名也杜氏釋例云國君者社稷之上百姓之望

當與社稷宗廟共其有亡者也而見獲於敵國雖存若亡死

之與生皆與曷為不言其獲注据晉侯言獲也疏注据晉至

滅國而降者乃言以歸不與夷狄之獲中國也注與凡伯

同義夷狄謂楚不言楚言荆者楚疆而近中國卒暴責之則

恐為害深故進之以漸從此七等之極始也疏引通斗

荆使夷狄主中國也僖十五年疏云秦楚同類得獲晉侯不

者以爵稱伯非真夷狄故與楚異繁露精華云春秋慎辭正

謹名倫等物者也是故小夷言伐而不得言戰大夷言戰於

夷而不得言戰大夷避中國而不得言獲中國避天子而不
得言執名倫弗子嫌於相臣之辭也是故大小不踰等貴賤
如其倫義之正也○注與凡伯同義○隱七年戎伐凡伯于
楚丘以歸傳執之則其言伐之何大之也曷為大之不與夷
狄之執中國也注中國者禮義之國也執者治文也君子不
使無禮義制治有禮義故絕不言執正之言伐也所以降夷
狄尊天子為順辭此言以歸與彼同亦即降夷狄義穀梁傳
云中國不言敗此其言敗何也中國不言敗蔡侯其見獲乎
其言敗何也釋蔡侯之獲也以歸猶愈乎執也注為中國諱
見執故言以歸通義云以歸雖亡國之辭然尚無大賤義書
序曰以箕子歸是也按隱七年注又云錄以歸者惡凡伯不
死位此亦應曰○注夷狄至始也○舊疏云注言此者欲道
楚屬荆州吳屬揚州所以抑楚言荆不抑吳言揚者正以楚
近中國故也戴氏云荆楚一物義能相發吳揚異訓故不得
州名也與何氏異按戴氏益即戴宏其實何氏謂楚近中國
亦即其近中國言之非必決吳之不抑稱揚吳入春秋存所
見世與楚異也春秋假楚發七等進退之義垂後世以王者
治外夷之道漢書何奴傳贊曰不與約誓不就攻伐約之則
費賂而見欺攻之則勞師而招寇是以外而不內疎而不城
政教不及其人正朔不加其國來則懲而御之去則備而守
之其慕義而貢獻則接之以禮讓羈縻不絕使曲在彼益聖
王制御蠻夷之常道也亦即卒暴責之則恐為害深故進之

以潮
義也

冬十月齊師滅譚譚子奔莒疏差謬略云十月公羊作十一月

也繁露滅國下云齊桓公欲行窮道譚遂達命故滅而奔莒

又觀德云滅國十五有餘獨先諸夏謂此也按十五當五十

之誤春秋亡國五十二也杜云譚國在濟南平陵縣西南一

統志故譚城在濟南府歷城縣東七十里東平陵故城縣東

七十五里大事表云今濟南府歷城縣東南七十里平澤中世謂之武

水經注濟水篇與武原水合水出譚城南平澤中世謂之武

原湖北徑譚城東俗謂之布城也又北運東平陵縣故城西

故陵城也後乃加平譚國也齊桓之出過譚譚不禮焉魯莊

公十年滅之用左傳事說文邑部鄆國也齊桓公之所滅詩

碩人譚公維私白虎通作覃詩大東序東國困於役而傷于

譚譚大夫作此以告病也段氏玉裁云齊世家譚作都小司馬所據正作鄆

何以不言出注據衛侯出奔也疏八年衛侯出奔楚喪十四

年衛侯衍出奔齊之屬是也註國已滅矣無所出也注別於

者欲据二人故不道所奔國也

死位也。疏杜云不言出奔國祫無所出。范云不言出奔者國祫
 上二衛侯之屬皆有國出奔者也。不名者通義云諸侯卒名
 失地名所問世以前略小國卒或不名故其失地亦恆不名
 譚子奔莒弦子奔黃温子奔衛是也。至所見之路篇按彼上云
 乃名滅例月○注孔子至已矣○見論語子路篇按彼上云
 必也正名乎鄭注古曰名今日字不言出見一字不苟也○
 江月者至位也○禮記曲禮下云國君死社稷喪六年傳國
 祫君死之正也孟子梁惠王篇或曰世守也非身之所能傳
 也效死勿去范云几書奔者責不死社稷昭二十一年注大
 國奔例月成十二年注不月者小國也
 小國奔例時此月故為惡不死位也

皇清經解續編卷千一百八終

子汝恭校字
常熟丁國鈞參校

皇清經解續編卷千二百九

南菁書院

公羊義疏二十一

句容陳立卓人著

莊十一年
盡十五年

十有一年春王正月

夏五月戊寅公敗宋師于鄆疏

五月書戊寅月之十七日杜云鄆魯地大事表云當在兗州府

境與元年齊遷紀邢部鄆之鄆在都昌縣西者為二地說文邑部鄆宋魯間地

秋宋大水

何以書記災也外災不書此何以書注

據禘移不書疏注據

不書○襄十九年取邾婁田自漚水傳云其言自漚水何以漚為竟也何言乎以漚為竟漚移也注魯本與邾婁以漚為竟漚移入邾婁界魯隨而有之是也漚移所以為災者僖公十四年沙麓崩漢書五行志云河大川象齊大國桓德衰伯道將移於晉文故河為徙也漚及我也注時魯亦有水災書移不知何時所象事無徵也

魯則宋災不見兩舉則煩文不省故謹例書外以見內也先

是二國比與兵相敗百姓同怨而俱災故明天人相與報應

之際甚可畏之疏注時魯至內也○毛本比誤北報誤起依

書此何以書為王者之後記災與此異者正以此年大木水

者流通之道可以及兩國故得書外以明內矣彼是火災無

及內之理而得書見明為王者之後記災故也通義云不舉

內為重者錄災所由牛道其本也知非為王者之後記災者

所傳聞之世方外諸國雖王者之後猶未得記故知仍以及

內錄爾左丘說外災據告書者但魯史之體如是非春秋新

意也孰以其傳駁之隱七年京師來告饑不書何耶○注先

是至畏之○舊疏云二國比與兵相敗即上所云公敗宋師

于鄆十一年夏公敗宋師于乘丘之屬是也按漢書五行志嚴

公十一年秋宋大水董仲舒以為時魯宋比年為乘丘戡之

戰百姓怨陰氣盛故二國但水劉向以為時宋愍公驕慢

冬王姬歸于齊

公之應子政習毅染故無及我之義彼

傳云為王者之後也記災是專屬宋矣

何以書過我也注時王者嫁女于齊塗過魯明當有送迎之

禮在塗不稱婦者王者無外故從在國辭疏殺梁傳其志過

王姬歸月此同外女歸例不月者但以過我書我不為主故

也注在塗至國辭隱二年傳云女在其國稱女在塗稱

婦入國稱夫人此始過魯猶係在塗不稱婦故解之也桓八

年傳云女在其國稱女此其稱王后何王者無外其辭成矣

明諸侯所在莫非王土故無在國在塗之別也左傳云齊侯來逆共姬

十有二年春王三月紀叔姬歸于鄆

其言歸于鄆何注據國滅來歸不書鄆非紀國而言歸疏注

國至不書舊疏云即上四年紀侯去其國不書叔姬來

歸是也叔姬來歸所以不書者江熙云叔姬來歸不書非歸

前且非大歸是也杜亦云紀侯去國而死叔姬歸來歸不

書非前且非大歸注鄆非至言歸舊疏云決隱七年叔

姬歸于紀之經矣以鄆既非隱之也何隱爾其國亡矣徒歸

歸鄰者痛其國滅無所歸也鄰不繫齊者時齊聽後五廟故

國之起有五廟存也月者思錄之疏注叔者至為叔○爾雅

叔不通問又檀弓云嫂叔之無服也皆叔與嫂對言故謂夫

弟為叔○注來歸至歸也○穀梁注引江熙曰叔姬守節積

有年矣紀季雖以鄰入于齊不敢懷貳然襄公豺狼未可闕

信桓公既立德行方宣於天下是以叔姬歸于鄰齊喜其女

得申其志也按穀梁傳曰此邑也其言歸何也吾女也失國

喜得其所故言歸焉爾故江氏如此解實與公羊隱之義相

足傳以歸鄰為喜得所則隱之也深矣杜云紀季自定於齊

而後歸之全守節義以終婦道故繫之紀而以初嫁為文賢

之也按隱七年注云媵賤書者後為嫡終有賢行紀侯為齊

所滅紀季以鄰入于齊叔姬歸之能處隱約全竟婦道故重

錄之杜義本此○注鄰不至存也○舊疏云如此注者正欲

決昭二十一年宋華亥等自陳入于宋南里以叛之文矣按

上三年紀季以鄰入于齊傳云請後五廟以存姑姊妹繁露

竹林云紀侯謂其弟曰請以立五廟使我先君歲時有所依

歸明五廟存也故書鄰以起之同附庸也○注月者思錄之

○上元年注云內女歸例月外女不月者聖人探人情以制

恩實不如魯女然則內女

之例皆書月為恩錄故也

夏四月

秋八月甲午宋萬弒其君接及其大夫仇牧

疏

接唐石經諸本同釋文云接左

氏作捷今穀梁亦作捷經義雜記云解云正本皆作接字故

賈氏云公羊穀梁曰接也據此知賈景伯所見穀梁本與公

羊同作接今作捷者蓋後人誤從左氏改耳當從賈注校正

徐云正本皆作接字是俗本亦有作捷者公羊音義云接左

氏作捷穀梁音義無文蓋亦誤同今本矣公羊春秋倍三十

二年鄭伯接卒左氏穀梁作捷苗接捷二字古多互用禮記古義

苗干邾婁左氏穀梁作捷苗接捷二字古多互用禮記古義

云接以太牢注接讀為捷勝也棟案接與捷通故訓為捷鄭

氏周易晉卦晝日三接注接勝也是讀為捷又爾雅釋詁接

捷也此二字互通之證包氏慎言云八月經有甲午麻八月

無甲午九月之十月也宋萬以十月出奔不應八月弒

其君至十月方出奔似麻為九月按甲午宜十一日

及者何累也弒君多矣舍此無累者乎孔父荀息皆累也舍

孔父荀息無累者乎曰有注復反覆發傳者樂道人之善也

孔子曰益者三樂損者三樂樂節禮樂樂道人之善樂多賢

友益矣樂驕樂樂伏遊樂冥樂損矣疏

唐石經同鄂本作無累乎曰有是也孔父

荀息見桓二年倍十年○注復反覆發傳者○桓二年傳云

及者何累也弑君多矣舍此無累者乎曰有仇牧荀息皆累

也舍仇牧荀息無累者乎曰有注叔仲惠伯是也此復發傳

故解之○注樂道人之善也○繫需祭義云其辭直而重有

再歎之欲人省其意也而人向不省何其忘哉孔子曰書之

重辭之復嗚呼不可不察也其中必有美者焉此之謂也春

秋正辭云苟一義一法足以斷其凡則無可凡即皆削而不

書春秋非紀事之史也所以約文而示義也是故有單辭有

兩辭有複辭有眾辭眾辭可凡而不可凡也複辭可要而不可

可要也兩辭備矣可益而不可益也單辭明矣可殊而不可

殊也故曰游夏之徒不能贊一辭也春秋於孔父仇牧荀息

書法同傳故不厭其書重辭複以道之也○注孔子至損矣

○論語季氏篇引以申樂有則此何以書賢也疏焦氏循左

道人之善因類及之也左氏言宋萬弑閔公子蒙澤遇仇牧于門批而殺之雖不及

公羊之詳亦未嘗有貶辭而杜預則以稱名之故而謂其無

善可褒又諷其不警而遇賊正義云公羊善其不畏強禦故

言此以異之劉原父稱仇牧之智則未仇牧之忠則盡劉後

村因謂仇牧荀息殺身而不能執賊皆圓於杜預之諛辭觀

其趨而至手劍而叱千古之下英氣猶存其不勝而死即李

豐之恨力劣不能擒賊也將以不能執賊遂避匿觀望不出乎牧之撥而死亦豐之築於刀環也家氏鉉翁曰大夫死君之難乃曰無善可褒可乎君前臣名自是書法應爾杜氏每以名字為褒貶曲為之說其病甚大何賢乎仇

牧注据與孔父同也疏据叔仲惠伯不賢今此傳云何賢乎

仇牧與何賢乎注仇牧可謂不畏彊禦矣注以下錄萬出奔月

也禦禁也言力彊不可禁也疏不畏彊禦詩大雅蒸民篇文

月宋萬出奔陳注月者使與大國君奔同例明彊禦也注禦禁至禁也爾雅釋言云禦禁也周禮司寇氏職禦農行

者注禦亦禁也詩大雅蕩云曾是彊禦曾是掃克彊禦與掃克相

經義述聞云禦亦彊也曾是彊禦曾是掃克彊禦與掃克相

對不侮鰥寡不畏彊禦與鰥寡相對皆二字平列其義

相同史記周本紀集解引牧誓注曰彊禦謂彊暴也字或

作彊圍又作強圍楚辭離騷云澆身被服彊圍兮王注彊圍

多力也淮南天文訓已在丁曰強圍高注在丁言萬物剛盛

故曰強圍逸周書諡法篇威德剛武曰圍春秋繁露必仁且

智篇曰其強足以覆過其禦足以犯詐是禦與彊同義下文

云彊禦多對昭元年左傳彊禦曰甚十二年傳曰吾軍帥彊

以禦與疆同圍亦有禁義也漢書王莽傳亦作不畏疆圍顏
注疆梁固捍也因不可禦禁遂亦謂禦為強國策注引詩作
不辟

強禦其不畏疆禦奈何萬嘗與莊公戰注莊公即魯莊公戰

者乘丘時疏注戰者乘丘時○即上十獲乎莊公莊公歸散

舍諸宮中注散放也舍止也獲不書者士也疏注散放也○

狸處堂而眾鼠散注散走也走與放義近故莊子人間世云

不在可用之數謂之散木亦謂棄放木也○注舍止也○左

氏昭元年傳舍藥物可也服注舍止也禮記月令云耕者少

舍注舍脩止也按舍止亦有放義文選西京賦矢不虛舍辭

注舍止也謂萬獲後令其止於宮中也新序義勇云宋閔公

臣長萬以勇力聞萬與魯戰師敗為魯所獲囚之宮中數月

歸之宋是也上十一年左傳云乘丘之役公以金僕姑射南

宮長萬公右顛係生搏之宋人請之是其事也○注獲不書

者士也○舊疏云公羊之例大夫見經故也杜以萬及仇牧

皆卿以其名見於經夫萬弑君之賊不能不明舉其名若不
稱名則當稱人左傳又有稱君數月然後歸之歸反為大夫
君無道之說不自相矛盾乎

於宋與閔公博注傳本道此者極其禍生於博戲相慢易也

疏 惠氏棟云漢書注反作又按舊疏云歸而反國乃為大夫

於宋則疏本作反新序云宋閔公博婦人在側史記宋世

家潘公與南宮萬魯因博爭行釋文公博如字戲名也字書

作籀葉本籀作薄按當作博博段借字公羊問答云何以謂

之博戲曰其來舊矣家語哀公問於孔子曰吾聞君子不博

有之乎孔子曰有之為其二乘也公曰有二乘何為不博孔

子曰為其兼行惡道也說文局博戲也六箸十二棋也史記

蔡澤傳說范雎曰君獨不觀夫博者乎或欲大投或欲分功

此皆君之所謂明也辭不觀夫博者乎或欲大投或欲分功

雙箭以象日月之照臨十二棋以象十二辰之躔次博之為

戲也易於爭道衰世之君臣對博其取禍宜也按方言博謂

之蔽或謂之箭秦晉之間謂之博吳楚之間或謂之箭裏或

謂之博毒或謂之廣平所以行其謂之局或謂之曲道圍棋謂

之杯或謂之東秦晉之間謂之奕孟子告子云今夫奕之為數

奕自關而東秦晉之間謂之奕孟子告子云今夫奕之為數

注奕博也或曰圍棋戴氏震方言諫證云博博古通用說文

博局戲也六箸十二棋也古者鳥胃作博籩博古通用說文

以行其奕圍棋也荀子大略篇六試之博楊倞注云即六博

也今之博局亦二六相對也楚辭招魂篇菴蔽象碁有六博

些王逸注菴玉也菴碁箸以玉飾之也投六箸行六碁故謂

六博也史記范雎蔡澤列傳君獨不觀夫博乎或欲大投或

欲分功春秋襄二十五年左傳今甯子視君不如奕棋廣雅

簿著謂之箭兜專簿也廣平枰也曲道樹也圍棋奔也皆本
 此王氏念孫廣雅疏證云簿通作博韓非子外儲說云秦昭
 王以松柏之心為博箭西京雜記云許博昌善陸博法用六
 箸以竹為之長六分或用二箸列子說符篇釋文引六博經
 曰博法二人相對坐向局局分為十二道兩頭當中名水用
 棋十二枚法六白六黑又用魚二枚置於水中其擲采以瓊
 為之二人互擲采行棋某行到處即置之名為驍某即入水
 食魚亦名牽魚每牽一魚獲二籌翻一魚獲三籌若已牽兩
 魚而不勝者名曰被翻雙魚被家獲六籌為大勝也廣平為
 博局之枰取義於平也說文枰平也韋昭博奕論云所志不
 出一枰之上小爾雅廣服棋局謂之奕宋氏翔鳳訓纂云說
 文奕圍棋也廣雅釋言圍棋奕也奕通作亦大戴禮小辨篇
 夫亦圍十棋之變由不可既也亦即奕字文選博奕論注引
 邯鄲清藝經曰棋局縱橫各十七道合二百八十九道白黑
 棋子各一百五十枚後漢書張衡傳奕秋以棋局取譽注奕
 圍局也棋即所執之子按博奕皆用棋奕為圍棋博為局戲
 說文博局戲也六箸十二棋法與圍棋異故楚辭六博王注
 投六箸行六棋故為六博方言所以行棋謂之局鮑宏博經
 用十二棋六棋白六棋黑所擲頭謂之瓊瓊有五色彩刻為一
 畫者謂之塞刻為二畫者謂之白刻為三畫者謂之黑一
 不塞者謂之五塞之間謂之五塞然則博即後世之雙陸即圍
 棋皆謂之枰以其局用板平承於下也行枰者皆謂之棋故

說者或合或分焉焦氏術孟子正義云史記曰者列傳旋式
正基劉徽九章算術句股器用諸色基別之凡用以布列者
之通名而博之基上高而銳如箭亦如著今雙陸杯上亦有水門其
變向可考見其狀故有箭著之名今雙陸杯上亦有水門其
法古今有例也班固奔古用二百八十九道今則用三百六十
一道亦其例也班固奔古用二百八十九道今則用三百六十
不遇劣者有僥倖雖有雌雄不足以為平也至於奔則不然
高下相推人有等級若孔氏之門回賜相服循名責實謀以
計策若唐虞之朝考功黜陟器用有常施設無所因蔽為資
應時屈伸此分別博弈甚明蓋弈但行基博以鄒采而後行
基後人不行基而專採遂稱擲采為博與弈益遠矣焦氏
論極為明曉○注傳本至易也○後漢爰延傳昔宋閔公與
疆臣共博列婦人於側積此無禮以致大災繁露王道云宋
閔公矜婦人而心妒與大夫萬博萬譽魯莊公曰天下諸侯
宜為君唯魯侯爾閔公如其言曰此虜也爾虜焉知魯侯之
美惡乎致萬怒搏閔公絕版此以與臣博之過也古者人君
立於陰大夫立於陽所以別位明貴賤今與臣相對而博置
婦人在側此君臣無別也故使萬稱他國卑閔公之意閔公
籍萬而身與之博下君自置有辱之婦人之房俱而矜婦人
婦人獨得殺死之道也春秋曰大夫不適君遠此邇也婦人
皆在側萬曰甚矣魯侯之淑注淑善疏云淑善也爾雅釋詁

公羊義疏二十一

鳩云淑人魯侯之美也注美好疏新序云公謂萬曰魯君孰

下諸侯唯魯君爾宜其為君也注美好說文美甘也美

與善同意廣韻美好色詩齊風椅嗟美莊公頤而長兮美目

清兮清揚婉兮注天下諸侯宜為君者唯魯侯爾注萬見婦人

皆在側故許閔公以此言言閔公不如魯侯美好疏至以言

評攻人之陰私也廣韻評而斥人以言也論語陽貨篇惡評

以為直者宋萬面斥宋君不閔公矜此婦人注色自美大於

此婦人疏注色自至婦人管子法法篇彼矜者滿也滿者

猶曰莫我若也注色自美大之貌新序載宋閔如其言疏說

謂萬有魯侯執與寡人美之語其自美大可知如其言疏說

如婦妒天也史記項羽本紀嫉妒吾躬列子說符篇簡顧曰

高者人妒之閔公見萬譽魯侯故妒之妒其勝己也顧曰

此虜也注顧謂側婦人曰此萬也虜執虜也疏也顧謂至虜

婦人曰運解顧曰也此萬也解此也左傳上十一年云宋公

斬之釋文引服云恥而惡之曰斬虜執虜者禮記曲禮云獻

民虜者注生獲曰虜左傳上十一年云宋公靳之曰始吾敬
子今子魯囚也吾弗敬子矣病之宋世家湑公怒辱之曰始
吾敬若今爾虜焉故注爾女也謂萬也更向萬曰女嘗執虜

於魯侯故稱譽爾疏注爾女至譽爾○何意謂湑公謂萬嘗

魯侯之美惡乎至注惡乎至猶何所至疏唐石經諸本同公

春秋繁露曰此虜也爾虜焉知魯侯之美惡乎致萬怒搏閔

公絕脰韓詩外傳引此二爾公矜此婦人妒其言顯曰爾虜焉

知魯侯之美惡乎何氏意反迂曲按董生讀此傳故作知爾

虜絕句美惡乎絕句至屬下萬怒為句韓詩同俱與何所見

本異也俞氏樾云韓詩外傳春秋繁露引此文並作爾虜焉

知魯侯之美惡乎是此傳古本故字作知何所據本誤也惟

於乎字絕句至字作致屬下讀甚為不詞今按爾虜焉知四

字為句言爾虜何所知也魯侯之美惡乎至七字為句至猶

甚焉孟子萬章篇充類至義之盡也趙注至甚也惡乎至言

惡乎甚因宋萬曰甚矣魯侯之淑魯侯之美也故折之曰魯

侯之美惡乎甚也若解作何所至於義轉迂矣○注惡乎至

所至○惡猶何也安也昭三十一一年傳惡有言人之國賢若

此者乎注惡有言何有孟子梁惠王云天下惡乎定趙注問

天下安所定呂覽本生篇高注惡安也蓋惡何安互相訓何

所至若言萬怒搏閔公絕其脰注脰頸也齊人語疏也齊人

何至是也語○蜀大字本及漢制攷同宋本闕本監本毛本頸誤脰廣

雅釋親脰頸項也釋名頸徑也徑挺而長也脰之言豎立也

說文頸項莖也又云脰項也頁部項頭後也段注云頭後者在頭之後此當日項而曰頸者渾言則不別小雅四牡項領

傳曰項大也此謂項與唯同新序云萬怒遂搏閔公類齒仇落於口絕吭而死宋世家萬有力遂以局殺潛公於蒙澤仇

牧聞君弑趨而至遇之于門手劍而叱之注手劍持拔劍叱

罵之疏本注手劍至罵之○闕本監本毛本拔作技依鄂本宋

年傳曹子手劍而從之亦謂持劍也檀弓子手弓而可謂持

弓也周書克殷云武王乃手大白以麾諸侯史記周本紀手

作持又吳世家專諸手匕首刺王僚楚世家自手旗左右麾

軍司馬相如上林賦手熊羆義皆作持也故釋名釋兵手執

手所持適之戟也叱者一切經音義引倉頡篇云叱呵也又

云大呵為叱莊子齊物論叱者吸者釋文引司馬注叱者若

叱咄聲徐遜音七說文曰部叱呵也呵有罵義禮記曲禮云

尊客之前不叱狗左傳昭二十六年子囊帶從野洩叱之史

記淮陰侯傳暗噫叱咤于大皆廢通義云手劍者手持劍

也叱之叱罵也宋世家云大夫執仗聞之以兵造公門萬

臂撥仇牧碎其首注側手曰撥首頭疏唐石經臂作辟釋文

校勘記云此當作辟音婢亦反是辟撥非臂撥也經義述問

云詳案臂短不可以擊人作辟者是也辟惟擊也爾雅辟拊

心也郭璞曰謂惟胸也是辟有惟擊之義辟之言批也左傳

說此事云遇仇牧于門批而殺之玉篇引作批說文批反手

擊也批辟聲之轉耳撥當為殺辟殺仇牧者批殺仇牧也左

傳曰批而殺之此云萬辟殺仇牧其義一也若作撥而訓為

側手則與辟義相復辟已是手擊何須又言側手何所據撥

字殆誤本也古本公羊蓋作殺不作撥故說文無撥字新序

云仇牧聞君死趨而至遇萬於門攜劍而叱之萬臂擊仇牧

而殺之齒著於門闔通義云臂撥者以臂撞而殺之○注側

手曰撥○淮南原道云不與物相弊撥注撥讀楚人言殺○

注首頭○離騷經厥首用夫頭隕注首頭也說文皆百同古

文首也象髮謂齒著乎門闔注闔扇疏爾雅釋宮注平作

之鬚鬚卽也校勘記唐石經闔字磨改重刻按左傳襄十七

年云以枚數闔注闔門扇也荀子儒效云外闔不閉注闔門

扇也呂覽仲春乃修闔扇注闔扇門扇也管子八觀云闔開

不可以毋闔注闔扉扉卽扇也月令注云用木曰闔用竹葦

注猶

乳犬獲虎伏雞搏狸精誠之至也爭博弑君而以當國言之

者重錄彊禦之賊禍不可測明當防其重者急誅之疏新序云仇

牧可謂不畏彊禦矣趨君之難顧不旋踵韓詩外傳八載此

事未亦云仇牧可謂不畏彊禦矣引詩曰維仲山甫柔亦不

茹剛亦不吐注刑乳至至也獨鄂本同閩本監本毛本

嚙虎伏雞之搏狸何所本曰文子也按其傳曰姓辛氏葵丘

言為十二篇名研文子其字也按王褒四子講德論是以養

雞不畜狸狸虎本食雞犬精誠至者乳犬可獲虎伏雞可搏

狸也淮南說林訓孔狗之噬虎也伏雞之搏狸也恩之所加

不量其力注爭博至誅之各本博作搏誤依鄂本崗本

正宋本誤作傅包氏慎言云詩刺厲王之任川非人口曾是

彊禦曾是在服毛傳云彊梁禦善也箋以跋扈訓之謂不聽

君命而彊梁自專也據傳文宋萬力人也恃力禦善則敢于

犯上故當誅之以經其質善流云當國者即言宋萬是也故

冬十月宋萬出奔陳

注

萬弑君所以復見者重錄彊禦之賊明

曷為以國氏當國也者是也

隱四年衛州吁弑其君完傳云

當急誅之也月者使與大國君奔同例明彊禦也疏惠氏土

說云朱萬出奔陳宋人力不能討也故羣公子奔蕭公子御

逸奔陳春秋書以示譏亦即此注彊禦之賊明當急誅之意

○注萬弑至之也○舊疏云欲道春秋上下皆是弑君之賊

皆不重見即宋督鄭歸生齊崔杼之屬是也而宋萬趙盾之

屬復見者當文皆有注更不勞重說○注月者至禦也○恒

十六年十有一月衛侯朔出奔齊是大國君出奔例書月也

今此大夫出奔而月故注明之其昭二十年冬十月宋華亥

向甯華定出奔陳亦大夫而書月者彼注云月者危三大夫

同時出奔將為國家忠明當防之亦與此明彊禦義近通義

云春秋不書討賊葬閔公者蓋既葬乃得殺萬以討賊晚故

不錄也猶慶父奔莒踰年益死經亦不錄慶父之誅閔公之

葬范云宋久不討賊致令出奔故謹而月之亦與重錄彊禦之義相足

十有三年春齊侯宋人陳人蔡人邾婁人會于北杏注齊桓行

霸約束諸侯尊天子故為此會也桓公時未為諸侯所信第

故使微者會也桓公不辭微者欲以卑下諸侯遂成霸功也

疏杜云北杏齊地大事表云在今泰安府東阿縣境○注齊桓至功也○舊疏云言未為諸侯所信任而歸魯之是以諸侯皆使徵者會即宋人陳人之屬是也按穀梁傳是齊侯宋公也其曰人何也始疑之何疑焉桓非受命之伯也將以事授之者也曰可矣乎未乎舉人眾之辭也以宋人以下皆諸侯與公羊義別

夏六月齊人滅遂注不魯北杏故也不諱者桓公行霸不任文

德而尚武力又功未足以除惡疏杜云遂國在濟北蛇巨縣

肥城縣南大事表云今兗州府甯陽縣西北三十里有遂鄉水經注汶水為西溝水又西南逕遂城東北地理志曰蛇巨

隧魯故遂國也春秋莊十二年齊人滅遂而戍之者也京相璠曰遂在蛇巨東北十里杜預亦以為然然縣東北無城以

疑之今城在蛇巨西北蓋杜預傳疑之非也○注不魯北杏故也○左傳云會于北杏以平宋亂遂人不至夏齊人滅遂

而戍之齊世家云五年伐魯魯將師敗魯莊公請獻遂邑以平以遂為魯邑未知所本○注不諱至武力○繁露竹林云

夫德不足以親近而文不足以來遠而斷斷以戰伐為之者此固春秋之所甚疾已皆非義也舊疏云春秋為賢者諱而

不諱者正以不任文德而尚武力故也引繁露云請功則桓兄文弟論德則文兄桓弟而論語云齊桓公九合諸侯不以

兵車之力謂自此以後○注又功至除惡○越絕書敘外傳
記春秋之義氣功掩過也時齊桓功未足掩過故不諱下三
十年齊人降鄆傳紀之遺邑也不言取為桓公諱也注時伯
功足以除惡故為諱又僖十七年滅項傳齊滅之不言齊滅
之為桓公諱也桓公嘗有繼絕存亡之功故君子為之諱焉
然則滅譚不諱亦同此矣舊疏云春秋褒貶皆以功過相除
計桓公之立雖有北杏之會前有篡逆滅譚之非論其功不
足而惡有餘故不為諱也而言未者欲道其九合之後功足
以除惡也

秋七月

冬公會齊侯盟于柯

杜云此柯今濟北東阿齊之阿邑猶祝

夫卽此今故城在兗州府陽穀縣東北五十里曰阿城鎮有
阿城上下二闕為運道所經水經注縶子河篇故讀又北逕
東阿縣故城東春秋經書冬及齊侯盟于柯杜預曰東阿卽
柯邑也按國語曹沫挾匕首劫齊桓公返遂邑於此矣方輿
紀要東阿故城在兗州府東平州東
阿縣二十五里春秋時為齊之柯邑

何以不日

注据唐之盟日

疏注据唐之盟日○卽隱二年秋
八月庚辰公及戎盟于唐是也

通義云當言不月而難其日者方欲通解桓盟不日也注易

猶佼易也相親信無後患之辭疏注易猶至之辭○惠氏棟

易若是義與此同易之易簡鄭氏亦訓為佼易按易大壯音

義喪羊于易鄭音亦謂佼易也詩天作岐有夷之行傳夷易

也箋云以岐邦之君有佼易之道正義曰言乾以佼易故為

知坤以凝滯故為能易詩義並與此同按說文人部傷輕也

一曰交傷交傷即佼易益何用當時俗語也詩何人斯我心

易也傳易說也禮記郊特牲注易和悅也論語包注易和易

也皆親信無後患義也通作施詩我心易也釋文易韓詩作

施是也爾雅釋詁平均夷弟易也注皆謂易直平均夷弟皆

與親信義近其易奈何桓之盟不日其會不致信之也其不日何

以始乎此莊公將會乎桓曹子進曰君之意何如注進前也

曹子見莊將會有慙色故問之疏注進前也○詩大雅常武

土冠禮進受命於主人注進前也又士喪禮請公門求少進

注少前進於列○注曹子至問之○舊疏云注者之意也穀

梁傳曹劌之盟也史記作曹沫新序雜事四云昔者齊桓公

與魯莊公為柯之盟魯大夫曹劌謂莊公曰齊之仗魯至於

城下城環歷境君不圖與呂覽賈信云齊桓公伐魯魯請比
關內侯以聽曹劌謂莊公曰君甯死而又生乎甯生而又死
乎公曰何謂也曰聽臣之言國必廣者身必安樂是生而又
生也不聽臣之言國必滅亡身必危辱是死而又死也公曰
諾莊公曰寡人之生則不若死矣注自傷與齊為難不能復

也伐齊納糾不能納反復為齊所脅而殺之疏新序云莊公

生不若死注自傷至復也○舊疏云桓十八年公薨于齊

莊九年及齊師戰于乾時我師敗績是也○注伐齊至殺之

○舊疏云卽上九年夏公伐齊納糾傳曰伐而
信納者猶不能納也又齊人取子糾殺之是也曹子曰然則
君請當其君臣請當其臣注當猶敵也將劫之辭疏注當猶

○新序云曹劌曰然則君請當其君臣請當其臣國策秦策

所當未嘗不破也注當敵又齊策天下不能當注當敵也呂
覽無義云魏使公子邕將而當

之當亦敵也鄂本劫作御誤莊公曰諾於是會乎桓莊公
升壇注土基三尺土階三等曰壇會必有壇者為升降揖讓

稱先君以相接所以長其敬疏注土基至曰壇○華嚴經音
義引漢書音義云築土而高

日壇禮記祭法一壇一墀注封土曰壇荀子儒效云君子言
 有壇宇注累土為壇書金滕為三壇傳增築土釋文引馬注
 云壇土堂獨斷云壇謂築土起堂蓋於平野築土為之國語
 吳語王乃之壇列注壇在野所以講列士眾誓告之處也凡
 壇皆三等山海經南山經成山四方而三壇注三壇形如人
 築三相累也史記孔子世家為壇位土階三等是也周官司
 儀為壇三成成猶重也意亦三等與禮觀禮云壇深四尺注
 深謂高也從上曰深鄭亦引司儀為證亦階三等也下等之
 下有基應去地一尺故為四尺亦如再重一重不重不重者
 別有席一重也○注會必至其敬○禮觀禮云為宮方三百
 步四門壇十有二尋深四尺加方明于其上注四時朝觀受
 之於廟此謂時會殷同也宮謂壇土為堦以象墻壁為宮者
 于國外八尺曰尋十有二尋則方九十六尺三重者自下差
 之為三等而上有堂也堂上方一丈四尺上等中等下等每
 面十二尺方明者上下四方神明之象也所謂明神也會同
 而盟明神臨之則謂之天之司盟諸侯會盟意亦當然上設
 方明諸儀亦所以長其敬也即上四年傳云古者諸侯必
 有會聚之事相朝聘之道號辭必稱先君以相接是也曹
 子手劍而從之注從隨也隨莊公上壇造桓公前而脅之曹
 子本謀當其臣更當其君者見莊有不能之色疏新序云乃
 會兩君就

壇兩相相揖曹劌于劒拔刃而進迫桓公於壇上○注從隨
至脅之○詩既醉從以係子箋從隨也隱四年傳稱人則從
不疑也注從隨從也說文从相聽也从二人二人故有相隨
之象昭二十八年左傳從使之收器者注從隨也史記刺客
傳桓公與莊公既盟於壇上曹沫執匕首劫齊桓公注劉氏
云短劒也鹽鐵論以為長尺八寸其頭類七故曰七首○注
曹子至之色○舊疏云亦注者之意也按呂覽云將盟皆懷
劒至壇上公左搏桓公右抽劒以自承管鮑進劒拔劒曰二
君將改圖毋或退者公曰封于汶則可不則請死則似莊公
先劫桓公果爾則曹劌不過因人成事史記何為列傳與各
書記皆違管子進曰君何求乎注管子管仲也君謂莊公也桓公

卒愕不能應故管子進為此言疏據史記刺客傳以此為桓

公至此言○舊疏云正以劫桓公而管子對故也文選高唐

賦卒愕異物注愕與選同廣雅釋詁愕驚也又文選西都賦

注引字書愕驚也說文彘部選相驚遇也漢書張良傳良愕

然欲殿之注愕驚貌卒讀曰倅桓公見曹子手劒從脅故粹

而問也視史記敘事為肖曹子曰注莊公亦造次不知所言

故任曹子疏注莊公至曹子○按亦注者之意猶上注之不
能也舊疏云正以問莊公而曹子對故言此

城壞歷竟注

齊數侵魯取邑以喻侵深也

疏釋文歷境於甲反按陸本當作

厭竟定十五年傳厭死釋文作厭死音於甲反可證竟唐石

經諸本同鄂本竟作境俗字也謂齊數侵魯致令城郭環敗

抑歷魯竟故注君不圖與注君謂齊桓公圖計也猶曰君不

當計侵魯太甚疏注國計至太甚說文口部圖畫計難也

禮君與卿圖事注圖謀也謀即計也史記桓公左右莫敢動

而問曰子將何欲曹沫曰齊邇魯弱而大國侵魯亦以甚矣

今魯城壞即歷齊境君其圖之以境為歷齊之境語意未詳

新序云迫桓公于壇上曰城壞歷境君不圖與亦與此傳同

謂侵魯太甚必將攻管子曰然則君將何求注所侵邑非一

復君不計及之與也管子曰然則君將何求注所侵邑非一

欲求何者疏

新序云管仲曰曹子曰願請汝湯之田注欲復

魯竟疏

新序云曹劌曰願請汝陽田史記魯世家魯將盟曹

子曰誠得劫秦土使悉反諸侯侵管子願曰君許諾注諸侯

地若曹沫之與齊桓固大善矣管子願曰君許諾注諸侯

死國不死邑故可許諾疏注諸侯至許諾禮記曲禮云國

卽曲禮下篇云國君去其國止之曰若之何去社稷矣是無
去國之文不言若之何去田邑故知不死邑也朱氏彬經傳
考證云諸侯死國不死邑必古有是語而何氏述之非第如
曲禮所云也按呂覽云仲曰以地衛君非以君衛地君其許
之乃與之桓公曰諾疏齊世家云桓公許之刺客傳桓公乃
盟亦此義桓公曰諾疏許盡歸魯之侵地新序云管仲謂桓
公曰君其許之桓公許之是其事也曹子請盟桓公下與之盟注下壇與曹子

定約盟誓莊公也必下壇者爲殺牲不絜又盟本非禮故不

于壇上也疏新序云曹劌請盟桓公遂與之盟荀子王制云

戰三北而亡地五百里辭氣不悖三戰之所亡一朝而復之

天下震動諸侯驚駭○注下壇至公也○通義云壇上本兩

君會盟之所故桓公更下壇與曹子盟○注必下至不潔○

舊疏云不字亦作清字者各本絜作潔依宋本正○注又盟

至上也○舊疏云卽桓二年傳已盟曹子標劍而去之注標

云古者不盟結言而退是也

辟也時曹子端劍守桓公已盟乃標劍置地與桓公相去離
故云爾疏刺客傳旣已言曹沫投其匕首下壇北面就羣臣

首北而就臣位新序云已盟標劍而去是也○注標辟也○

釋文標音交反辟也劉兆云辟捐也孟子萬章篇標使者注

標麾也音義標音杓又音拋與此同詩鄰風柏舟云宿辟有

標傳辟指心也標指心貌釋文標符小反與此異而標辟同

為指心則標即是指摩也說文手部摩字摩訓搗搗訓

曰手指搗也摩旌靡所以指摩也摩即俗摩字摩訓搗搗訓

擊擊即趙氏訓標為麾猶此訓辟也詩召南標有梅傳標

落也標乃受字之借曹沫標劍置地標義與受同亦謂墜落

其劍置於地而去廣雅釋詁云標擊也與此異○注時曹至

云爾○舊疏云端猶始也言曹子從始持劍而守桓公矣及

其盟訖乃標劍置地與桓公相去遠也按要盟可犯注臣約

端正也謂正持其劍守桓公也則始不辭要盟可犯注臣約

東君曰要強見要脅而盟爾故云可犯疏注臣約至盟爾○

穎曰要劫也荀子王霸篇臣下曉然皆知其可要也注要約

也臣劫約其君曰要君論語憲問云雖曰不要君是也闡本

監木壬本作臣約其君而桓公不欺疏齊世家云桓公後悔

誤鄂木未本作東据正而桓公不欺疏欲無與魯地而殺曹

沫管仲曰夫劫許之而倍信殺之愈一小快耳而棄信於諸

侯失天下之援不可刺客傳亦云桓公忽欲倍其約管仲曰

不可夫貪小利以自快棄信於諸侯失天下之援不如與之

然則管仲不失信而云桓公不欺者善則歸君也繁露竹林

六齊桓知不肯要盟以白前
洗也遂為賢君而霸諸侯
曹子可讎注以臣劫君罪可讎

而桓公不怨桓公之信著乎天下自柯之盟始焉注諸侯猶

是翕然信鄉服從再會于鄆同盟于幽遂成霸功故云爾劫

桓公取汶陽田不書者諱行詐劫人也疏齊世家云於是遂

亡地於魯諸侯聞之皆信齊而欲附焉新序云左右曰要盟

可倍曹劌可讎請倍盟而討曹劌管仲曰要盟可負而君不

負曹劌可讎而君不讎信著天下矣遂不倍又云三存亡國

一繼絕世尊事周室九合諸侯一匡天下功次三王為五伯

長本信起乎柯之盟也穀梁傳曰信齊侯也呂覽貴信云欲

勿子仲曰不可人劫之不知不可謂智臨難而不能勿聽不

可謂勇許之而不與不可謂信有此三者不可以立功名予

之雖亡地亦得信以四百里之地見信於天下君猶得也○

注諸侯至服從○猶由通禮記雜記云猶是神于王父也注

猶當為由新序云天下諸侯翕然而歸之○注再會于鄆○

○即下十四年冬單伯會齊侯已下于鄆又十五年齊侯宋

公已下會于鄆是也○注同盟于幽○見下十六年及二十

七年○注遂成至云爾○齊世家云七年諸侯會桓公于鄆

而桓公於是始霸焉蓋用下十五年左傳復會焉齊始霸也

之語新序云為鄭之會幽之盟諸侯莫不至焉○注劫桓至人也○舊疏云正以成二年書取汶陽之田故也繁露對膠西王云春秋之義貴信而賤詐詐人而勝之雖有功君子弗為也是以仲尼之門五尺之童子言羞稱五霸為其詐以成功苟為而已也故不足稱於大君子之門五伯者比於他諸侯為賢者比于聖賢何賢之有然則桓公比諸魯莊行詐劫人為賢然其因管仲一言強為不欺不怨以要諸侯究非正誼不謀利明道不計功者比也春秋之不得已也故公羊之例不信者日而桓盟不日公羊以凡書致者皆有危辭以臣子喜其君父脫危之至而與桓會不致亦所為假以立義者也

十有四年春齊人陳人曹人伐宋疏左傳以為宋人背北杏之會

夏單伯會伐宋

其言會伐宋何注据伐國不殊會曹伯襄言會諸侯疏注据

殊會○舊疏云與上諸侯俱是伐宋事不殊異何勞別生會文乎故難之○注曹伯至諸侯○舊疏云即僖二十八年冬曹伯襄復歸于曹遂後會也注本期而後故但舉會書者刺會諸侯罔許是也

其不信因以分別功惡有深淺也從義兵而後者功薄從不

義兵而後者惡淺疏舊疏云若其不後宜言單伯會齊人陳

衛侯鄭伯于鄆之文按杜云既伐宋單伯乃至故曰會伐宋

唯以單伯為周大夫為異穀梁傳會事之成也注伐事已成

單伯乃至○注書者至後也○後會書會即刺其不信也陸

元年注舉及暨者明當隨意善惡而原之欲之者善重惡深

不得已者善輕惡淺與此義同○注從義至功薄○舊疏云

即此是按下十六年邾婁子克卒注云小國未嘗卒而卒者

為慕伯者有尊天子之心即謂上十三年會于北杏是從義

兵而先者也故詳錄之以示褒義○注從不至惡淺○舊疏

云無經可據但言理當然也

秋七月荆入蔡疏與十年書荆同義穀梁傳荆者楚也其曰荆

字與公羊義同彼疏引麋信云楚子貪淫為息媯滅蔡故州

舉之是取左傳之說自亂其家法矣彼十年傳云狄之也此

冬單伯會齊侯宋公衛侯鄭伯于鄆疏釋文鄆本亦作甄杜云

齊世家作甄大事表云後為齊豹邑昭二十年衛公孟軻與齊豹狎奪之司寇與鄆即此鄆讀絹漢末為兗州治曹操創業於此水經注鄆城在河南岸十八里河上之邑最為險固今山東曹州府濮州東二十里舊城集故鄆城也一統志云鄆城故城在曹州府濮州東二十里

十有五年春齊侯宋公陳侯衛侯鄭伯會于鄆疏上十四年會

云復同會也此下傳亦云復同會也注為欲推桓為伯故復會於此按穀梁上北杏之會下云是齊侯宋公也其曰人何也始疑之何疑焉桓非受命之伯也將以事授之者也意謂諸侯將權推齊侯行伯事故此二會為復同會推齊為伯公羊於此二會無傳以繁露精華篇所云齊桓仗賢相之能用大國之資即位五年不能致一諸侯於柯之盟見其大信一年而近國之君畢至鄆幽之會是也攷之則與穀梁義同惟公羊以北杏之會為齊桓未為諸侯取信鄉故董生本柯之盟為說

夏夫人姜氏如齊疏穀梁傳婦人既嫁不踰竟踰竟非禮也按

終思歸甯而不得故書以示譏
舊疏云復與桓通也未知所本

秋宋人齊人邾婁人伐兒疏
釋文兒音那左氏穀梁作那元和姓纂兒邾來之後亦為兒氏是邾兒通也通義云宋序上者諸侯為宋伐倪故宋主之又云倪舊作兒與五年經文倪字不同今改范云宋主兵故序齊上班序上下以國大小為次夷狄在下征伐則以主兵為先春秋之常也

鄭人侵宋

冬十月

皇清經解續編卷手二百九終

丹徒陳慶年參校
子汝恭校字

皇清經解續編

公羊義疏二十一

皇清經解續編卷千二百十

南菁書院

公羊義疏二十二

句容陳立卓人著

莊十六年
二十二年

十有六年春王正月

夏宋人齊人衛人伐鄭疏也蓋報上年之侵也故宋主兵

秋荆伐鄭

冬十有二月公會齊侯宋公陳侯衛侯鄭伯許男曹伯滑伯滕

子同盟于幽疏

校勘記云諸本同唐石經損缺以字數計之有公會二字惠氏棟云左氏穀梁無公字故

穀梁傳云不言公會二字當為衍文左氏穀梁無公字故

猶滕會字據十九年何注先是鄭幽之會公比不至公子結

出竟遭齊宋欲深謀伐魯故專矯君命而與之盟然則幽之

會非特魯君不至即士大夫亦未有來會者猶十五年齊侯

宋公陳侯衛侯鄭伯會于鄆不曰公會齊侯及會齊侯云云

也按繁露滅國下云幽之會莊公不往是董生所據公羊無

公會字又下十九年疏云十六年冬會齊侯宋公以下同盟
于幽經不言公會故知魯侯不至矣則徐彥所据本亦無公
會二字且彼疏所引此經有會字亦衍文也又穀梁傳云不
言公外內容一疑之也既外內諸侯同疑公與齊仇可事齊
不明魯之臣子亦未與會則穀梁會字亦衍文也繁露滅國
下又云不事大而事小曹伯之所以戰死於位諸侯莫助曼
者幽之會齊桓數台諸侯曹小未嘗來也是公羊亦無曹伯
與左氏經同今有者亦衍文也滑者杜云滑國都費河南緄
氏縣按今為河南府偃師縣地幽者杜云
宋地大事表云當在今歸德府考城縣界

同盟者何同欲也注同心欲盟也同心為善善必成同心為

惡惡必成故重而言同心也疏穀梁疏引此傳云同盟者加

義作何與全傳例合左傳曰鄭成也穀梁曰同尊周也意各
異按繁露精華云齊桓於柯之盟見其大信一年而近國之
君畢至鄭幽之會是也則鄭幽之會為齊伯始齊桓以尊周
為伯業之盛當與穀梁義同注同心至心也○惠氏棟校
云故重而言同心也心字衍接
此注道春秋書同盟通例也

邾婁子克卒注小國未嘗卒而卒者為慕霸者有尊天子之心

行進也不日始與霸者未如瑱瑱卒在二十八年疏錢氏人

堂荅問云問古人名克字子儀何也曰古文儀與義同義从

我我从手手古文殺字故義主斷制易四德元為仁利為義

利亦刀而以和為訓故曰利物足以和義春秋傳師克在和

故克之字曰儀父曰子儀注小國至進也通義云即儀

父也小國錄卒者足衰文不葬者起實小國也上十三年齊

侯宋人陳人蔡人邾婁人會于北杏是慕霸者有尊事天子

之心事也穀梁傳曰其曰子進之也注不日不至八年舊

疏云即下二十八年經云夏四月丁未邾婁子瑱卒注云日

者附從霸者朝天子行進是也蓋儀父僅會伯者于北杏行

不如彼進與瑱闕本監本同鄂木宋本瑱作瑱釋文作瑱毛

本改從之按瑱正字瑱瑱俗所傳聞世未錄小國卒葬錄者

唯此及瑱滕子以先朝隱公春秋褒之嗣子得以其禮祭稱

也侯

十有七年春齊人執鄭瞻疏左穀作鄭詹詩魯頌閭宮云魯邦

外傳風俗通初學記並引作所瞻左傳傳二十

三年叔詹曰宋世家作叔瞻是詹瞻通也下同

鄭瞻者何鄭之微者也注以無氏也疏注以無氏也舊疏

具按與當國辭同所此鄭之微者何言乎齊人執之注據獲謂貴賤不嫌同號也

宋萬不書者不坐獲微者今書齊稱人坐執文疏注據獲至

十二年傳云萬嘗與莊公戰獲乎莊公注獲不書者士也星彼獲微者魯不坐獲也此言齊人執鄭瞻似齊坐執矣故難

之書甚佞也注為甚佞故書惡之所以輕坐執人也然不得

為伯討者事未得行罪未成也孔子曰放鄭聲遠佞人罪未

成者但當遠之而已疏通義云為魯將受佞人故書其執殺

逃來志之也逃來則何志焉將有其未不得不錄其本也鄭

詹鄭之佞人也與此傳意同書卑陶諷篇何畏乎巧言令色

孔子偽孔傳孔甚也禹言有苗驩兜之徒甚佞如此是甚佞

即孔子也爾雅釋言孔甚也又釋詁王佞也部引書而難任

人史記五帝本紀作遠佞人後漢書郭舉傳孔任不行孔任

即孔子即其佞佞言大佞也佞人好作大言欺人故曰孔子九

經古義云佞讀為年故國語輿人誦曰佞之見喪果佞其田

佞與田協故讀曰年年讀為王田讀為陳故甚佞謂之孔子

齊田謂之齊陳既同物又同聲是之謂古訓注為甚至執

人書名賤惡義明故執人罪可輕坐也為大夫不得專執

也穀梁傳人者眾辭也以人執與之辭也。○注然不至成也。○舊疏標起說云不得為至未成也。則然字衍。文事未得行。毛本作事不得行。誤通義云。知非為齊執甚。依書者。齊若以其依執之當得為伯討。今齊稱人則執不當罪。或正如左氏所說。怒鄭不朝。故耳。按僖四年傳云。稱侯而執者。伯討也。稱人而執者。非伯討也。今稱人而執者。知非伯討。故注如此。解如孔義。用左氏說。則鄭詹無罪之人。何為去氏。下又書鄭詹自齊逃來。一外大夫。春秋不憚其詭重詞。復何耶。○注孔子至而已。○各本但誤。伯依鄂。本宋本。正所引。見論語。衛靈公篇。白虎通。誅伐篇。依人當誅。何為其亂。善行。傾覆國政。韓詩內傳曰。孔子為魯司寇。先誅少正卯。謂依道已行亂國政也。依道未行。章明遠之而已。論語曰。放鄭聲。遠佞人。義與此同。又陽貨篇云。惡利口之覆邦家者。

夏齊人濺于遂

濺者何濺積也

疏

校勘記云。諸本同。釋文。積本又作漬。唐石

濺作殲。杜云。殲盡也。疏以爲爾雅。釋詁。文舍人。注曰。殲眾之盡也。詩秦風。黃鳥云。殲我良人。傳。殲盡也。襄二十八年。左傳。其將聚而殲旃。注。殲盡也。說文。支部。殲。微盡也。从少殲聲。春秋傳曰。齊人殲于遂。說文多用古文。春秋也。漢書地理志引

作眾殺戍者也注澣者死文澣之為死積死非一之辭故曰

澣積眾多也以兵守之曰戍齊人滅遂遂民不安欲去齊強

戍之遂人共以藥投其所飲食水中多殺之古者有分土無

分民齊戍之非也遂不當坐也故使齊為自積死文也稱人

者眾辭也不書戍將帥者封內之兵故不書疏積○禮記曲

禮云四足曰漬正義云牛馬之屬若一箇死則餘者更相染

漬而死說文水部澣漬也从水裁聲又漬漚也从水貴聲又

漚久漬也从水區聲則漬為澣汗相染連及眾盡之辭人死

相及亦猶是也注以積訓漬傳以漬解澣義並通一切經音

義引通俗文淹漬謂之澣又引字林澣漬也廣雅釋詁澣

漬也義取相積而死故不曰澣曰澣段注說文云公羊傳文

及說文皆作積為長許之漬漚也澣義不與漬義聯可以知

許說矣按今人以物久積水為漚則漚亦有久積之義故詩

陳風東門之池可以漚麻傳漚柔也疏引考工記注漚漸也

楚人曰漚此云漚柔者謂漸漬之使柔朝也周禮考工記鍾

氏染羽漚而漚之史記貨殖傳漸漬於失教是也淮南子要

略漚漚肌膚皆橋染之義故鄭注曲禮云漬謂相澣汗而死

引春秋傳曰大災者何大潰也齊人爲遂所潰積而死與大災同故云非一之辭○注眾多也○爾雅釋詁云眾多也說文限部眾多也从夨目眾意○注以兵守之曰戍○詩王風揚之水云不與我戍申傳戍守也又小雅采芣序造戍役也箋云戍守也史記陳涉世家云遣戍漁陽注戍者屯兵而守說文戈部戍守邊也从人持戈○注齊人至殺之○滅遂事在上十三年左傳云遂因氏領氏上婁氏須遂氏饗齊成醉而殺之齊人殲焉注云饗酒食也蓋亦謂以藥物投酒食殺之也穀梁傳殲者盡也然則何爲不言遂人盡齊人也無遂之辭也無遂則何爲言遂其猶存遂也存遂奈何曰齊人滅遂使人戍之遂之因氏飲戍者酒而殺之齊人殲焉此謂狎敵也二傳皆以爲饗齊戍與此微異○注古者至交也○說在桓元年有分土無分民故齊強戍之遂不當坐也○注稱人者眾辭○穀梁齊人執鄭詹傳云人者眾辭也決與微者貶者稱人異也○注不書至不書○時已無遂故從封內兵辭

秋鄭瞻自齊逃來

何以書書甚佞也曰佞人來矣佞人來矣注重言來者道經

主書者若傳云爾蓋痛魯知而受之信其計策以取齊淫女

丹楹刻桶卒為後敗也加逃者抑之也所以抑之者上執稱

人嫌惡未明繫鄭者明行當本於鄉里也子貢問曰鄉人皆

好之何如子曰未可鄉人皆惡之何如子曰未可不若鄉人

之善者善之鄉人之惡者惡之疏以注重言至云爾言經所

云爾舊疏云經所以主善此事者正惡佞人之來恐其作禍

矣按淮南說林訓故鄭詹人魯春秋曰佞人來佞人來注鄭

詹鄭文公大夫以齊桓公卒不使鄭伯朝齊而使朝於楚齊

人執之自齊逃至魯魯謂之佞人按時齊桓未卒彼注誤○

注蓋痛至敗也○下二十四年公如齊逆女林夫入姜氏入

是取淫女事也卒為後敗即淫二叔殺子般閔公事是也舊

疏以娶淫女是鄭驥計為春秋說文通義云鄭驥之事傳無
明文何注每有此類疏輒以為出春秋說然若龍門之戰信
公取楚女緹候未與董仲舒已言之漢藝文志又有公羊外
傳五十篇今亦未見云云之說疑皆公羊師學相承未敢以
意去取後漢書楊秉傳云蓋鄭詹來而國亂是也新語云鄭
僭亡齊而歸魯齊有九合之名而魯有乾時之恥夫據干乘
之國而信讒佞之計未有不亡者也按乾時戰在上九年與
此無涉陸誤○注加逃至未明○上執稱人是言齊非伯討

疑詹無惡故書逃抑之穀梁傳曰逃義曰逃○注紫鄭至惡
之○毛本紫作繁誤所引見論語子路篇今本兩未可下有
也字又善之作好之舊疏引鄭氏彼注云鄉人之善行者善
之惡行者惡之蓋鄭本好之亦作善之也中論審大巨篇時
俗之所不譽者未必為非也其所譽者未必為是也詩云山
有扶蘇隰有荷華不見子都乃見狂且言所謂好者非好醜
者非醜亦由私之所致也鹽鐵論除狹云古之進士鄉擇
而里選故士修之鄉曲升諸朝延行之幽隱明呈顯著
冬多麋疏爾雅釋獸麋牡麋牝麋其子麋說文鹿部麋鹿屬冬
大戴禮夏小正云十一月限麋角又禮記月令仲冬之月麋
角解疏引熊氏云鹿是山獸夏至得陰氣而解角麋是澤獸
故冬至得陽氣而解角

何以書記異也注麋之為言猶迷也象魯為鄭瞻所迷惑也

言多者以多為異也疏注麋之至迷也○白虎通鄉射篇麋

之為言迷也麋迷蚤頰為訓○注象魯至惑也○舊疏云感
精符文漢書五行志云嚴公十七年冬多麋劉歆以為毛蟲
之孽為災劉向以為麋色青近青祥也麋之為言迷也蓋化
獸之淫者也是時嚴公將取濟之淫女其象先見天戒若曰

勿取齊女淫而迷國嚴不寤遂取之夫人既入淫於二叔終
皆誅死幾亡社稷董仲舒指略同京房易傳曰廢正作淫火
不明國多糜又曰震遂泥厥咎國多糜經義雜記云按何注
公羊云糜之爲言猶迷也本劉子政義志云董仲舒指略同
則公羊亦以糜爲淫女天下之示戒於莊公也乃何氏云象魯
爲鄭瞻所迷或則據春秋說以取齊女爲聽鄭瞻計較先儒
迂遠矣京君明說易當以震遂泥爲溺愛淫女故迷或不明
而國多糜李奇注具二說謂從二至五有坎象坎爲水四爲
泥在水中故曰震遂泥泥者泥溺於水不能自拔道未光也
或以爲溺於淫女故其妖多糜糜迷也後說得京意范解穀
梁引易傳首二句義不了當以劉子政說補之按魯取淫女
由於鄭瞻所迷何說推本言之兼有取齊淫女義何迂回有
也京房易傳云廢正作淫爲火不明則因多糜與何義合博
物志東陽縣多糜千百爲羣掘食草根其處成泥名曰糜陵
民人隨此陵種種不耕而獲其收百倍則糜非害稼之物杜
云糜多則書五稼未知所本○注言多至異也○左疏云糜
是澤獸魯所常有是年暴多故言多以災書按糜
陰類故多糜記其異異者變之後時而見者也

十有八年春王三月日有食之注是後戎犯中國魯蔽鄭瞻夫

人如昔淫泆不制所致疏殺梁傳不言日不言朔夜食也集
解引廢疾云春秋不言月食日者

以其無形故闕疑其夜食何緣書乎鄭君釋之曰一日一夜合爲一日今朔日日始出其食虧傷之處未復故知此白以夜食夜食則亦屬前月之晦故穀梁子不以爲疑劉氏逢祿曰果虧傷未復卽是朝食何爲夜乎天之垂象必明以吉凶示人故夜不占日猶晝不占星也夜食之說於義爲短經義述問亦云月掩日而過謂之日食但蔽其明無所虧傷安得既出之後尚有虧之處未復乎漢書五行志嚴公十八年三月月日有食之穀梁傳曰不言日不言朔夜食注張晏曰日夜食則無景立六尺木不見其景以此爲候又云史推合朔在夜明旦日食而出出而解是爲夜食注孟康曰夜食地中出而止劉向以爲夜食者陰因日明之哀而奪其光公羊傳曰食晦董仲舒以爲宿在東壁魯象也劉歆以爲晦魯衛分經義雜記云按今公羊無傳何注無食晦之文而漢志引公羊傳曰食晦者蓋董仲舒等所見公羊有之或漢初公羊家說也劉歆說左氏亦以爲食晦與公羊合杜云不書日官失之非古義漢志云合朔在夜明旦日食而出出而解則穀梁家亦以夜食屬前月之晦矣鄭君釋廢疾云夜食屬前月之晦與三傳及漢志並合包氏慎言云經三月書日食不言日與朔公羊例爲食晦劉孝孫推以爲壬子朔小二月三月卽壬子朔劉歆亦以爲食晦穀梁例爲夜食麻爲二月晦日然則經書三月者正其當爲朔也通義云不日者食於晦也晦則不言日者是月更無餘日故舉月以包也趙汭引長麻三月

餘癸未朔隋麻志劉孝孫推是年食合壬子朔元史麻志大
衍推是歲五月朔交分人食限三月不應食按萬充宗黃藥
洲荅問問曰王伯厚云衛朴推驗春秋日食合者三十五獨
莊十八年三月古今算不入食限答曰是年乙巳歲二月有
閏至三月實四十九日一十三時合朔癸丑未初初刻交周
十一一宮二十八度三四三七正合食限朴蓋不知有閏故
算不能合耳則更無夜食事矣按是年應二月癸未朔三月
癸丑朔二月大也○注是後至所致○我他中國下公追戎
于濟西傳大共為中國追是也魯蔽鄭瞻見上十七年鄭瞻
自齊逃來注信其計策取齊淫女丹楹刻楸是也夫人如莒
下十九年夫人姜氏如莒是也舊疏云是陰勝陽之象是以
日為之食漢書五行志云嚴公十八年三月日有食之劉向
以為眾周天子不明齊桓將奪其威專會諸侯而行伯道其
後遂九合諸侯天子使世子會之此其效也董仲舒以為後
公子慶父叔牙果通於夫
人以助公俱與何義異

夏公追戎于濟西

注以兵逐之日追疏大事表云杜注公逐戎

為魯濟蓋魯地宣元年齊人取濟西田杜注故曹地僖三十
一年晉文以分魯濟西約在今曹州府曹縣鄆城鉅野三縣
之地○注以兵逐之日追○廣雅釋詁追逐也周禮小司徒
職以比追胥注追逐寇也春秋莊十八年夏公追戎于濟西

又士師職以比追胥之事注追寇也凡逐即謂追此
追戎以兵故曰以兵逐之曰追何氏望文生義也

此未有言伐者疏經義述聞云謹案此未有言伐者言字後
人所加傳意謂此時未有伐魯者而經言

追則大其非為己追而為中國追也僖二十六年齊人侵我
西鄙公追齊師至耒弗及彼云齊人侵我西鄙則有伐者矣

有伐者而言追是為己追此未有伐者而言追是為中國追
也下文此未有伐中國者則其言為中國追何與此未有伐

者文義正同又十九年傳此未有伐者其言梁亡何三十
一年傳此未有伐曹者則其言取之曹何與此文義亦同乃謂

此時未有伐之事非謂經文未有言伐者也伐上不常有言
字唐石經無僖二十六年疏引此有言字蓋後人據誤本加

之其言追何注據公追齊師至鄰舉齊侵也疏注據公至侵
也○即僖二

十六年齊人侵我西鄙公追齊師至鄰弗及是舉齊侵也鄰
闕本監本毛本同鄰本鄰作鄰按十行本疏中凡鄰字皆作

鄰當據正大其為中國追也注以其不限所至知為中國追也疏

注以其至追也○舊疏云公追齊師至鄰限其所至乃是白為己追故知如此此未有伐中國者則

其言為中國追何大其未至而豫禦之也疏繁露滅國下云
魯大國幽之會

皇清經解續編

莊公不往戎人乃窺兵于濟西由見魯孤弱而莫之救也通
義云追逐也蓋濟西之國逼近戎患公緣是興師逐之故善
其未至而豫為中國追也其後曹君卒死於戎難董仲舒曰
舊傳無大之之豫兵已加焉乃從救之則弗美未至豫備之
則美之善其救害之先也夫救患而先之則害無由起而天
下無害矣然則觀物之動而先覺其萌絕亂塞害於將然而
未行之時存秋之志也故救害而先知之明也公之所恤遠
而春秋美之詳其美恤遠之意則天地之間然後快其仁矣
是以知明先而仁厚遠遠而愈賢近而愈不肖者愛也故王
者愛及四夷伯者愛及諸侯安者愛及封內危者愛及旁側
亡者愛及獨身漢書辛慶忌傳云加以兵革久廢春秋大災
未至而豫禦之是也穀梁傳其不言戎之伐我何也以公之
追之不使戎其言于濟西何注據公追齊師至鄆弗及不言
遇於我也

于也

疏注據公至于也○莊元年注于遠辭也

大之也

注大公除害恩及濟西

也言大者當有功賞也追例時

疏注大公至西也○通義云自濟以西不限所至之辭

故為大也此與天王狩于河陽穀梁傳謂以河陽言之大天子也者同意穀梁傳於濟西者大之也何大焉為公之追之也春秋以尊王攘夷為主莊公追戎除害故為大辭○注言大至賞也○舊疏云公追齊師至鄆弗及不言于今言于者

謂公有大功於王法當褒矣○注追例時○此書夏是也舊疏云僖二十六年公追齊師雖在正月己未下不蒙日月

秋有虱

何以書記異也注虱之猶言虱也其毒害傷人形體不可見

象魯為鄭瞻所感其毒害傷人將以大亂而不能見也言有

者以有為異也疏注虱之至感也○漢書五行志劉向以為

不書來者亂氣所生不從外來故也漢書引經文作蝮亦虱

之變體釋文虱本又作蝮馬氏宗樾左傳補注云呂覽蝮蝮

高誘注兖州謂蝮為蝮音相近也淮南子沈州謂之蝮高誘

注蝮讀音近殆緩氣釋文虱本又作蝮玉篇蝮或蝮皆徒得

切是蝮字本作蝮因方言讀為蝮耳後漢書明帝紀永平三

年詔曰去其蝮蝮章懷注蝮一名短狐說文繫傳虫部蝮亦

解為短狐皆因元凱注誤案馬說非是螻自有蝮音蝮蝮同

部段借也此經之蝮自為短狐何杜義同杜云蝮短狐蓋以

含沙射人為災是也○注其毒至可見○詩小雅何人斯云

為鬼為蝮傳蝮短狐也釋文引沈重云蝮音蝮狀如蠶三足

一名射工俗呼之水弩在水中含沙射人一云射人影疏引

陸璣疏云一名射影江淮水中有云人在岸上影見水中投

人影則殺之故曰射影南人之將入水先以瓦石投水中令
 水濁然後入或曰含沙射人皮肌其狀瘡如疥是也是其毒
 害傷人形體不可見也段云弧誤狐是也釋文正義並云短
 狐今說文本蠹字下皆誤漢五行志注作弧不誤按山海經
 大荒南經有蠹山者有蠹民之國桑姓食黍射蠹是食部注
 蠹短狐也似隨含沙射人中之則病死楚辭大招云蠹蠹短
 狐王逸注蠹蠹短狐類也短狐鬼蠹也大招又云魂虜無南
 蠹傷躬只王逸注蠹蠹短狐也引詩為鬼為蠹廣韻引元中記
 云長三四寸蟾蜍驚鴛鴦悉食之似作狐亦通○注象魯
 至見也○感精符文見漢書五行志云嚴公十八年有感劔
 向以為蠹生南越地多婦人男女同川淫女為主亂氣所
 生故聖人名之曰蠹蠹猶敢也在水旁能射人射人有處甚
 者至死南方謂之短狐近射妖死亡之象也時嚴將娶齊之
 淫女故蠹至天戒若曰勿娶齊女將生淫惑篡弒之禍嚴不
 寤遂取之人後淫於二叔二叔以死兩子見弒夫人亦誅割
 欲以為蠹盛暑所生非自越來也京房易傳曰忠臣進善君
 不試厭吾國生蠹何氏言象魯為鄭瞻所惑正以莊信鄭瞻
 取齊女故至大亂而不能見也義自相足又引洪範五行傳
 曰皇之不極是謂不建厥咎眚厥極陰厥極弱時則有射
 妖即此是也公羊問荅云問蠹之猶言感也其義何取曰人
 臣蠹惑其君則蠹生周禮烟氏疏引服虔云蠹短狐南方盛
 暑所生其狀如蠹古無今有含沙射入人皮肉中其瘡如疥

徧身中獲獲械故曰災禮曰或君則有左疏引五行傳曰
或如繁三足生於南越南越婦人多淫故其地多賊淫女惑
亂之氣所生也○注言有至異也○經義雜記云穀梁傳云
一有一亡曰有或射人者也故劉以爲在水旁能射人又以
齊女淫惑爲說取義嚴切范解祇引京房易傳說亦不了又
君不試師古曰試用也范注作君不講字誤何注及左疏所
引五行傳與五行志所載劉說同陸機毛詩義疏服虔注與
劉子政射人甚者至死何邵公毒害傷人形體義合劉子駿
以爲盛暑所生未詳所本按昭二十五年傳有鸛鶴來巢傳
云非中國之禽也凡未有而者書有穀梁疏引舊解一有
南越所生是也一無魯國無是也今以爲或有有時或有無
時言不常也故書曰有益書多者魯所常有今歲特多故以
多爲異書有者本無此物今而忽有故以有爲異也舊疏云
昭二十五年經書有鸛鶴來巢今此不書來者亂氣所生不
從外來
故也

冬十月

十有九年春王正月

夏四月

秋公子結媵陳人之婦于鄆遂及齊侯宋公盟疏孔氏廣森音

于鄆絕句結不書卒則未命為卿本不當氏氏公子者蓋善其遂事褒錄之

媵者何諸侯娶一國則二國往媵之以姪娣從注言往媵之

者禮君不求媵二國自往媵夫人所以一夫人之尊疏釋名

屬云姪娣曰媵承事嫡也國語周語云王御不參一族韋

也說文人部佚送也呂不韋曰有佚氏以伊尹佚女段注佚

今之媵字釋言媵送也周易媵之木義以姪娣從謂之媵者媵

注九歌王注媵送也送為媵之本義以姪娣從謂之媵者媵

有二種若諸侯有二媵外別有姪娣是以莊公十九年經書

公子結媵陳人之婦于鄆公羊傳曰諸侯娶一國則二國往

媵之以姪娣從諸侯夫人自有姪娣并二媵各有姪娣則九

女是媵與姪娣別也若大夫士無二媵即嫁媵篇所以不聘妾

士卑故也○注言往至之尊○白虎通嫁媵篇所以不聘妾

何人有子孫欲尊之義不可求人為妾何士即尊之漸賢不止于士

媵可求人為士不可求人為妾何士即尊之漸賢不止于士

妾雖賢不得為嫡即姪者何兄之子也疏禮士昏禮云媵御

一夫人之尊義也

十九年左傳其姪驪聲姬生光注姪兄之子說文女部姪兄
之女也其實弟之子女亦稱姪爾雅釋親云女子謂弟之
子為姪禮喪服傳謂吾姑者吾謂之姪左傳僖十五年姪其
從姑是也釋名釋親屬云姑謂兄弟之女為姪姪迭也其行
耶夫更迭進御也專指媵之姪言依喪服經 婦者何弟也疏
則男女通稱姪故彼云姪丈夫婦人同也 婦者何弟也疏
經義述問云家大人曰弟也本作文弟也女弟也者別乎弟
而言之也左傳隱元年成八年十一年昭二十八年正義引
此皆作弟也則唐初本已有脫女字者不始於唐石經矣然
白虎通義嫁娶篇及召南鵲巢江有汜齊南山大雅韓奕正
義上昏禮疏引此皆作女弟也又說文及土昏禮注並云婦
女弟也即本於此傳則傳文原有女字明矣說文女部弟同
夫之弟也段注按女子謂女兄弟曰姊妹與男子同而惟
媵已之妹則謂之姊蓋別於在母家之稱以明同心事一君
之義也禮喪服經皆言妹無言姊者今大徐本作女弟也非
是按爾雅釋親云女子同出謂先生為媵後生為娣郭注同
出謂俱事一夫可證段氏之說釋名釋親屬云妻之姊妹曰
娣娣弟也言與妻相長弟也以娣兼娣言非是錢氏大昕養
新錄云姪娣本雙聲字釋文姪大結反娣大計反此古音也
廣韻姪有徒結直一兩切今南北方音皆讀直一切無有作
徒和切者古今音有變易字母家乃謂舌頭諸侯壹聘九女
舌上交互出切此味其根原而強為之詞也

諸侯不再娶注必以姪婦從之者欲使一人有子二人喜也

所以防嫉妬令重繼嗣也因以備尊尊親親也九者極陽數

也不再娶者所以節人情開膝路疏注必以至親也○白虎

為其必不相嫉妬也一人有子三人共之若已生之也通義

云膝送也送致其女也穀梁傳曰姪婦者不孤子之意也一

人有子三人緩帶禮婦人無子當去諸侯夫人雖無子膝有

子嫡得不去重帶尊也易曰得妾以其子此之謂也按後漢

劉瑜傳云古者天子一娶九女姪婦有序河圖授嗣正在九

房章懷注引公羊傳曰諸侯一聘三女天子一娶九女此夏

殷制也與此傳異或公羊先師有如此說者尊尊親親舊疏

云備姪所以尊尊備婦所以親親其上尊下親皆指嫡也○

注九者至數也○白虎通嫁娶篇天子一娶九女者何重國
廣繼嗣也九者何法地有九州承天之施無所不生也一娶
九女亦足以承君之施九而無子百亦無益也王度記曰天
子諸侯一娶九女或曰天子娶十二女法天有十二月百物
必生也又五行篇君一娶九女何法天九州象天之施也御
覽引異義云地有九州足以承天故天子娶九女法之也獨
斷云春秋天子娶十二女夏制也又云天子娶十二女象十
有二月三夫人九嬪諸侯一娶九女象九州一妻八妾按此

卽白虎通所引或說公羊義也漢書杜欽傳禮嘗娶九女所以極陽數廣嗣重祀也張晏曰陽數一三五七九九數之極也臣瓚曰天子一娶九女殷之禮也○注不再至媵路○白虎通嫁娶云必一娶何防淫泆也爲其棄德嗜色故一娶而已人君無再娶之義也又云不娶兩娣何博異氣也娶三國女廣異類也恐一國血脉相似俱無子也姓娣雖年少猶從適人者明人君無再娶之義也杜欽傳又媵不書此何以書云娣雖缺不得補所以養焉塞爭也

注据伯姬歸于紀不書媵也疏按彼七年叔姬歸于紀注叔

姬者伯姬之媵也彼有媵歸書事此云不書者彼注云媵賤書者後爲嫡終有賢行重錄之非以媵書也爲其有

遂事書注爲下有遂事善也故書所以不當書以起將有所

詳錄猶伯姬書媵也不媵則當取得書者張本文言公子結

如陳遂及齊侯宋公盟于鄆疏注爲下至詳錄○穀梁傳媵

要盟也何以見其辟要盟也媵禮之輕者也盟國之重也以輕事遂乎國重無說彼以爲要盟與公羊異以爲有遂事書則同也校勘記云按以字衍當刪正蓋媵本不當書爲下有遂及齊侯宋公盟事欲詳錄其專盟之善故書所不當書也

○注猶伯姬書媵○即成八年衛人來媵九年晉人來媵十年齊人來媵傳皆曰媵不書此何以書錄伯姬也十年傳又曰三國來媵非禮也曷為皆以錄伯姬辭言之婦人以眾多為侈也則彼以錄伯姬賢詳錄三國媵亦非以媵書故言猶也○注不媵至于鄆○言若不書媵則當止取得書者書之但言公子結如陳遂及齊侯宋公盟矣時實為媵如陳故不沒其大夫無遂事疏漢書馮奉世傳議者以奉世奉使有指本也大夫無遂事疏春秋之義無遂事漢家之法有矯制故不得侯說苑奉使謂國有危而不專救者不忠國無危而擅生事者不臣漢律有矯詔害矯詔不害書者死是大夫無遂事者經禮也周禮條狼氏職誓大夫曰收不關此其言遂何鞭五百明大臣於大小事皆須關白不得專也此其言遂何聘禮大夫受命不受辭注以外事不素制不豫設故云爾疏禮聘禮記云辭無常孫而說注孫順也大夫使受命不受辭必順且說錢氏大昕潛研堂茗問云三代之世諸侯以邦交為重故使於四方不辱君命則庸之使於四方不能專對則譏之論語之辭達則專對之辭也大夫受命不受辭聘禮記辭多則史少則不達辭苟足以達義之至也通義云古之為大夫者祭祀能語喪紀能謀升高能賦作器能銘山川能說師旅能普川能施命貞能命龜使能造命能是九者可謂有德音矣是故聘禮受命不受辭辭無常遜而說使於四方不

能專對不可以爲大夫。○注以外至之爾。○詩魏風伐檀云不素餐兮。傳素空也。不素制謂空爲議制也。玉篇象部豫逆脩也不可逆。出竟有可以安社稷利國家者則專之可也。注爲備設也。

先是鄧幽之會公比不至。公子結出竟遭齊宋欲深謀伐魯。故專矯君命而與之盟。除國家之難全百姓之命。故善而詳。殊之先書地後書盟者。明出竟乃得專之也。盟不地者。方使上爲出竟地。卽更出地。嫌上地自爲媵出地也。陳稱人者。爲內書故略。以外國辭言之。此陳侯夫人言婦者在塗也。加之者。禮未成也。冬齊人宋人陳人伐我西鄙而盟。不日者。起國

家後背結之約。非結不信也。疏。漢書馮奉世傳丞相將軍皆以安國家則讓之可也。又終軍傳御史大夫劾佞矯制大害。法至死。僂以爲春秋之義。大夫出疆有可以安社稷存萬民。顯之可也。後漢書宋均傳。均曰。夫忠臣出竟有可以安國家。專之可也。閻氏若據釋地。又續云。論語專對專擅也。卽公羊

傳專之可也專之大全辨載一說曰通義理講時務不拘若
 命不執成規正得其解漢武帝使呂步舒持斧鉞治淮南獄
 以春秋誼斷于外不請康成謂大夫自受命以出則其餘
 事莫不復請是皆專之之事也○注先是至不至○公比鄂
 本宋本同十行本比誤此崗本監本毛本改皆非按比猶類
 也上十五年齊侯宋公陳侯衛侯鄭伯會于鄆又十六年齊
 侯宋公陳侯衛侯鄭伯許男曹伯滑伯滕子同盟于幽皆無
 公會之文是公比不至也今本十六年經誤衍公會此經舊
 疏云正以彼二經皆不言公會是舊疏本無二字矣○注公
 子至錄之○繁露精華云難者曰大夫無遂事又曰出竟有
 可以安社稷利國家者專之可也又曰大夫無遂事又曰出
 在大夫也又曰問喪徐行而不返也夫既曰無遂事矣又曰
 專之可也既曰進退在大夫矣又曰徐行不反也若相悖然
 是何謂也曰四者各有所處得其處則皆是也失其處則皆
 非也春秋固常有常義又有應變無遂事者謂生平安甯也專
 之可也者謂救危除患也進退在大夫者率用兵也徐行不
 反者謂不以親害尊不以私妨公也此之謂將得其禮知其
 指故公子結受命往媵陳人之婦于鄆遂具事從濟桓盟春
 秋弗非以為救莊公之危公子遂受命使京師遂生事之晉
 之不忠無危而擅生事是舉君也故此二臣使生事春秋有
 是有非其義然也又順命云臣子大受命於君辭而出疆唯

有社稷國家之危猶得發辭而專安之盟是也盟上當脫鄭
字說苑奉使篇亦云春秋之辭有相反者四既曰大夫無遂
事不得擅生事矣又曰出境可以安社稷利國家專之可也
既曰大夫以君命出進退在大夫矣又曰以君命出問喪徐
行而不反何也曰此四者各止其科不轉移也不得擅生事
者謂平生常經也專之可也者謂救危除患也進退在大夫
者謂將帥用兵也徐行而不反者謂出使道問君親之喪也
公子結擅生事春秋不非以為救莊公危也公子遂擅生事
春秋譏之以為僖公無危事也故君有危而不專救是不忠
也君無危而擅生事是不臣也傳曰詩無通故易無通占春
秋無通義此之謂也按繁露滅國下云幽之會莊公不往戎
人乃窺兵於濟西由見魯孤獨而莫之救也此時大夫廢君
命專救危者謂此毛氏奇齡春秋傳云此雖專事然聘禮大
夫受命不受辭出境有可安社稷利國家者專之可也故春
秋無譏焉此與文八年公子遂盟雍不近命而即與雜戎盟
于暴例同義或然與○注先書至之也○舊疏謂書鄭是也
正以鄭為衛地故也明至鄭後有所聞乃得專盟也○注盟
不至地也○通義云鄭者盟地非致賸地也本送女如陳行
及于鄭值齊宋約盟而結與焉猶曰鄆子會盟于邾婁已西
邾婁人執鄆子用之會盟者會曹南之盟非盟于邾婁也于
邾婁者起下事言行及于邾婁而見執也此二經文同今皆
失其讀孔疏此鄭是衛之東地蓋陳取衛女為婦魯使公子

結送膝向衛至鄆問齊宋為會將謀伐魯故權事之宜去其
 本職不復送女至衛遂與二君會盟故備書之也送女至鄆
 停女會盟鄆是盟處故言于鄆非本期送女于鄆也然則鄆
 即盟地若更書盟于鄆則嫌上鄆為媵出似專送女于鄆不
 見出竟與盟之善也○注陳稱至言之○宜稱陳侯今略稱
 人故注解之隱十年傳春秋錄內而略外又隱三年宋公和
 卒注取外言卒所以褒內也又隱十一年注內適外言如外
 適內言朝聘所以別外尊內也此為內書故外陳略稱人明
 此為結專盟書非媵事也○注此陳至塗也○隱二年傳云
 在塗稱婦故知鄆非媵婦地矣穀梁傳其日陳人之婦略之
 也注但為遂事假錄媵事爾故略言陳人之婦不處其主名
 ○注加之至成也○舊疏云此婦未成為夫人故加之絕之
 若其已配禮宜言媵陳夫人不假言之以絕也○注冬齊至
 信也○即下齊人宋人陳人伐我西鄰是也公羊之例不信
 者書口下即背盟宜日而此作大信辭者盟信
 自在結也蓋魯君背約耳亦注家以意言之

夫人姜氏如莒疏上日有食之注云夫人如莒淫泆不制所致
此無傳何氏或有所本杜亦云非父母國而

往書姦穀梁傳婦人既嫁不踰竟踰竟非正也按父母國而
 諸侯夫人姜不得歸甯兄弟之國况異國乎知不僅如穀梁

所議矣

冬齊人宋人陳人伐我西鄙注鄙者邊垂之辭榮見遠也疏注

者至遠也。校勘記云諸本榮見遠也同句當有誤周禮大

司徒邦國都鄙對言鄭注以邦之所居為國都之所居為鄙

此以鄙為邊垂之辭蓋周禮都鄙距國五百里在王畿之邊

故鄙可釋為邊垂也按穀梁傳其曰鄙遠之也其遠何也不

以難邇我國也似亦榮見遠之義垂者說文土部垂遠也又

定部邊行垂崖也垂者遠也崖者高邊故邊字兼坐崖兩義

也莊子逍遙遊云翼若垂天之雲崔云垂猶邊也其大如天

一面雲也漢書司馬相如傳千金之子坐不垂堂謂不坐於

堂之邊也杜亦云鄙遠邑

二十年春王二月夫人姜氏如莒注月者再出也不從四年已

月者異國疏注月者再出也。舊疏云欲對上十九年秋夫

人姜氏如莒之文也穀梁注夫人比年如莒過

而不改無禮尤甚故謹而月之。注不從至異國。上四年

春王二月夫人姜氏饗齊侯于祝丘彼注云月者再出重也

三出不月者省文從可知例然則此經夫人再出合從

彼省文而書月為彼如齊此如莒異國不得相因故也

夏齊大災

大災者何大瘠也注瘠病也齊人語也以加大知非火災也

疏唐石經諸本同釋文大瘠在亦反病也本或作瘠才細反

瘠作臍云瘦也古文作瘠義別曲禮正義曰此云瘠彼云瘠

字異而意同按瘠與瘠不同陸德明孔仲遠皆疏於小學故

不能辨其是非漢書食貨志國亡捐瘠蘇林曰瘠音漬可見

古音漬瘠瘠並同故瘠或作瘠又作瘠陸德明每字為一音

顏師古云瘠不當音漬皆不通古音之證也釋詁瘠病也鄭

注禮記玉藻親瘠同說文別部無此字義亦不合據釋文知

古本作大漬禮記曲禮下四足死曰漬注漬謂相齧汗而死

也春秋傳曰大災者何大漬也然則鄭康成所據公羊亦作

大漬正義曰牛馬之屬若一箇死則餘者更相染漬而死又

公羊莊十七年夏齊人饑于遂傳藏者何藏積也眾殺成者

也何注藏者死文藏之為死積死非一之辭故曰藏積眾多

也校勘記云按鄭作漬何作瘠當是嚴顏之異又呂氏春秋

貴公篇云仲父之疾病矣漬甚高誘注漬亦病也公羊傳曰

大災者何大漬也與鄭陸所據本同說文骨部臍鳥臍殊骨

曰臍段注曲禮四足曰漬注漬謂相齧汗而死也小雅助我

舉柴手部引作擘毛許皆云擘積也鄭箋雖不中必助中者

舉積禽二經漬擘字音義皆同周禮蜡氏掌除穢故書臍作

音先鄭云音讀為殯謂死人骨也月令掩骼埋胔首之尚有

肉者也及禽獸之骨皆是此先鄭兼人與禽獸言之而公羊傳云大瘠病也漢食貨志骨無捐瘠孟康曰肉腐為瘠捐骨不蕪者公羊漢志瘠卽羸字合之鄭注月令肉腐曰羸蔡氏高氏云有肉曰羸又指人言之其字正作羸假借作瘠作孽作瘠皆同音段借也瘠又作瘠○注瘠病至語也○襄二十一年左傳瘠則甚矣注瘠瘦也說文作瘠云瘠也或作瘠从疒得聲故曰病瘦其引中義也按釋詁咎病也說文咎災也災卽病也故大瘠為大病郝氏懿行爾雅義疏云今東齊人謂病為災蓋古之遺言也○注以加至災也○通義云謹案經例大者曰災小者曰火言災則大已見不煩更有大文故得起非火災也舊疏云正以襄三十年宋災昭九年陳火之屬皆不言大故也又云襄九年傳云大者曰災小者曰火注云大者謂正寢社稷宗廟朝廷也下此則小矣然彼是兩火白對故以災火別之此則非火故必更言大耳

者何病也注病者民疾疫也疏注病者至疫也○經義雜記云病或作癘可證說文疒部癘疫疾也从疒聲省聲何義本此今本作惡疾也非是從詩思齊正義引改公羊問荅云說苑古者有災謂之厲君一時素服使有司弔死問疾憂以坐暨匍匐以救之湯粥以方之善者必先乎餼寡孤獨以病不能相養死無以葬埋則葬埋之有親長者不呼其門有齊衰大功五月不服力役之征有小功之喪者未葬不服力役之征

其有重戶多死者急則有聚重童子擊鼓莒火入官宮里用
 之各擊鼓莒火逐官宮里家之主人冠立于阼事畢出乎里
 門入乎邑門至野外此救厲之道也按病與厲通惠氏棟云
 病即厲字古厲列通禮記祭法古厲山氏之有天下也魯語
 作別可證方言三凡飲藥傅藥而毒南楚之外謂之痢北燕
 朝鮮之間謂之癘東齊海岱之間謂之眠或謂之眩自關而
 西謂之毒癘痛也周禮疾醫職有癘疾惠氏士奇禮說云癘
 疾者四時之疫氣也川鬱為汚樹鬱為熹草鬱為黃氣鬱為
 癘木鬱發於春火與上鬱發於夏金鬱發於秋水鬱發於冬
 是為癘疾潛研堂荅問云說文無病字未審當何從曰說文
 癘惡疾也左氏傳癘病不作杜以癘為惡氣古文厲與列通
 病即癘之異文也瘡字說文亦無之鄭注曲禮引公羊作大
 漬此古本也說文羊部別出瘡字則因記又四足曰漬益
 之月令仲冬行春令民多疥癩注疥癩之病孚甲之象何
 以書記災也外災不書此何以書及我也注與宋大水同義

病者邪亂之氣所生是時魯任鄭駢夫人如莒淫泆齊侯亦

淫諸姑姊妹不嫁者七人疏注與宋至同義○即上十一年

災不書此何以書及我也注云時魯亦有水災書魯則宋災
 不見兩舉則煩文不省故說例書外以見內也是也此亦病

災及魯故書齊以起及我也通義云疫氣自齊漸染及魯道
災所由生故不舉我為重齊災恆不書今獨見書則及我之
意自見○注是時至七人○舊疏云晏子春秋文按彼齊景
公問於晏子曰吾先君桓公淫女公子不嫁者九人而得為
賢君何又此解言七人者彼此其有誤矣按說苑尊賢云將
謂桓公清潔乎閨門之內無可嫁者非清潔也越絕書外傳
越王勃然曰孤間齊威淫泆管子小匡篇公曰寡君有汗行
不幸而好色而姑姊有不嫁者新語無為云齊桓公好婦人
之色妻姑姊妹而國中多淫於骨肉是齊侯淫事也舊疏云
襄公霸諸侯唯淫妹而已齊人猶作南山崔崔以刺之桓公
小白相淫九人而齊人不刺之者蓋以功多足以除源故也
或者偶爾不作或采之不得耳解詩箋云疥本或作癢或作
潰當是嚴顏之異病與癩同癩也此齊宮女市女閭七百管
仲招來商賈收夜合資以充國用之應按漢書五行志嚴公
二十年夏齊大災劉向以為齊桓好色聽女口以妾為妻嬖
庶數更故致大災桓公不寤及死嫡庶分爭九月不得葬公
羊傳曰大災疫也董仲舒以為魯夫人淫于齊齊桓姊妹不
嫁者七人國君民之父母夫婦生化之本本傷則末夭故天
災所予也與何義同穀梁傳其志以甚也注甚謂災及人也與公羊同

秋七月

冬齊人伐我

疏

穀梁作伐我趙氏坦異文箋云戎我字相類穀梁作伐我或因十九年冬齊人宋人陳人伐我

西鄙而訛

二十有一年春王正月

疏

校勘記云唐石經作廿有一年下二十準此鄂本作二年誤字也

夏五月辛酉鄭伯突卒

疏

包氏慎言云夏五月經有辛酉鄭厲公之卒日也葬在十二月不書日似

與傳當時而不日正也之例不合于麻五月有辛卯無辛酉六月之九日八月之十日皆辛酉恐經時月皆誤卒月不誤葬當在九月方與例合按辛酉於麻為四月之二十七日六月之二十八日葬在十二月過時而不日謂之不能葬也

秋七月戊戌夫人姜氏薨

疏

包氏慎言云秋七月經有戊戌麻七月無戊戌八月之六日也

冬十有二月葬鄭厲公

注

春秋纂明者書葬

疏

注春秋至書葬○首疏云言春

秋者欲見通例如此矣纂明者謂有止入之文纂明書葬者此鄭厲公於桓十五年書鄭伯突入于櫟書入則纂明故此書葬也隱四年衛人立晉立亦纂辭故桓十三年書葬衛宣公上九年齊小白入于齊書入見其纂故僖十八年書葬齊桓公是其例也若纂不明者則夫葬以張義如僖二十四年晉侯夷吾卒不書葬晉惠公以僖十年惠公之入未見經也

晉文公亦篡僖二十四年無人文而僖三十年書葬晉文公者以晉文功足以除惡春秋為賢者諱故也齊桓亦賢而不為諱者僖十年傳云桓公之享國也短美未見於天下故為之諱本之諱本惡也文公之享國也短美未見於天下故為之諱本惡也蓋齊桓功蓋天下其賢已著書篡不足掩其功晉文伯功未顯故書其葬若不篡然也

二十有二年春王正月肆大省疏唐石經諸本同釋文肆本或

範云王省惟歲史記宋世家作王省惟歲康誥人有小罪非省釋文本亦作省潛夫論引作人有小罪非省盧氏文弼龍城札記一云古省省通用周禮大司徒省禮即省禮也舊疏云肆讀如字放肆也省讀如減省之省也舊疏蓋見有作佚本故明之云如字古

肆佚同部段借字

肆者何跌也注跌過度疏注跌過度○穀梁傳云肆失也失

也淮南修務訓夫墜子跌蹶而起千里注跌疾行也疾行亦有過義公羊問荅云問跌過度何也曰此如後漢書律麻志無有差跌之跌穀梁傳之失即跌之省國語周語不失其序漢書五行志作不過其序是失有過義也釋文跌大結反

大省者何災省也注謂子卯日也夏以卯日亡殷以子日亡

先王常以此日省吉事不忍舉又大自省勅得無獨有此行

乎常若聞災自省故曰災省也疏注謂子至省也○勅宋本

禮記檀弓云子卯不樂注紂以甲子死桀以乙卯亡王者謂

之疾口不以舉樂為吉事所以自戒慎正義按尚書時甲子

味爽武王朝至于商郊又史記云兵敗紂自焚而死是紂甲

子死也昭十八年二月乙卯周毛得殺毛伯過而代之良宏

曰毛得必亡是昆吾亡之日也詩云韋顧既伐昆吾夏桀同

誅昆吾既乙卯而亡明桀亦以乙卯被放也鄭司農注春秋

以為子卯自刑非鄭義也按昭九年左傳子卯不樂禮釋文

引賈逵解詁云桀以乙卯日死紂以甲子日亡故以為戒是

與何鄭說同漢書翼奉說異是則鄭司農所本張晏云子利

卯卯刑子相刑之日故以為忌而云夏殷亡日不推湯武以

與此說非也翼奉傳云北方之情好也奸行貪狼申子主之

東方之情怒也怒行陰賊亥卯主之貪狼必待陰賊而後動

陰賊必待貪狼而後用二陰並行是以王者忌子卯也禮經

避之春秋諱焉注李奇曰北方陰也卯又陰賊故為二陰王

者忌之不舉樂春秋禮記說皆同師古曰儒者以為子卯夏

殷亡日失之矣何儒亮以為學者雖駁云只取夏殷亡日不

論殷周之興以為大失不博考其義且大人之際其理相符

有德者昌無德者亡以桀紂之暴虐又遇忌日其理必亡以

湯武之德固先天而天不違所謂德能消殃矣豈殃能消德也
也孔氏廣森經學卮言云舊說利以甲子喪樂以乙卯亡故
國君以為忌日接傳云乙卯昆吾亡之日也不言樂亡日呂
覽殷湯良車七十乘必死六千人以戊子戰于郟遂禽推移
大犧則樂實以戊子亡又不聞疾戊子日也翼奉以為疾子
卯者為其相刑似亦有義五子五卯皆相刑獨疾甲乙者以
甲居十幹之首且乙位寄卯日辰相配是謂重刑甲位在子
於日辰無比唯避五子之先者而已詩曰吉日庚午王者忌
甲子故喜其所衝庚制甲午破子者也穆天子傳有吉日辛
酉亦乙卯之衝按翼氏說齊詩推合天人之道然春秋假人
事為衰貶不得參陰陽拘忌之說子貢猶言夫子文章可得
而問性與天道不可得聞況其下乎故說春秋當以何氏推
本人事為正左傳云辰在子卯謂之疾日禮記玉藻云子卯
稷食菜羹注忌日貶也是也肆大省何以書

譏何譏爾譏始忌省也注時魯有夫人喪忌省日不哭省日

本以忌吉事不以忌凶事故禮哭不辟子卯日所以專孝子

之恩也不與念母而讓忌省者本不事母則已不當忌省猶
為商人責不討賊疏注省日至恩也○闕本監本毛本恩作

不避子卯注既殯殯後朝夕及哀至乃哭不代哭也子卯祭
紂亡日凶事不避吉事闕焉姜氏兆錫云王者以為忌日世
俗相傳皆失其義蓋湯放桀武王伐紂者乃聖人救民取殘
之大義而桀固君湯武固臣也故其於舊君之死日不忍即
吉而避之沈氏彤儀禮小疏云按明陳絳云子卯不樂湯武
之所以志盡傷也禮子於父母有終身之喪焉忌日之謂也
忌日不用非不祥焉言夫日志有所至而不敢盡其私也湯
武既以天下誅桀紂而猶以舊君禮喪焉故於是日不樂以
明其志之至也然則凶事不避者哀親之死尤重於傷舊君
之亡故無所嫌而不避也王者既然士可知但鄭注情可以
不舉樂為所以自戒懼亦非本義鄭司農注春秋以為五行
子卯相刑翼奉傳張晏注所云子與卯相刑故以是日為忌
乃術家博會之說不足辨按姜說沈說是也惟謂鄭氏說為
非本義亦非子卯日愈自戒飭不更得省字義乎亦正合聖
人恐懼修省之義○注不與至忌省○注不與念母見上元
年傳云其言孫于齊何念母也念母者所善也則曷為於其
念母也貶不與念母也注云念母則忘父背本之道也不與
念母而責其肆省故注解之解詁箋云經傳文省當從穀梁
作皆跌佚之誤忌讀為已責之已譏失罪也何君失之穀梁
傳曰肆失也皆災也災紀也失故也為嫌天子之葬也范注
易稱赦過宥罪書稱皆災肆赦經稱肆大眚皆放赦罪人蕩
滌眾故有時而用之非經國之常制災謂罪惡紀治理也有

罪當治理之今失之者以文姜之故文姜罪應誅絕誅絕之
 罪不葬若不赦除惡而書葬之嫌天子許之明須赦而後
 得葬於義殺梁為長國君無故而赦刑人亦春秋所譏也不
 專以譏為義者國君過市則刑人赦以身不正不足以正人
 也文姜於王法當服焚如死如之刑魯臣子上為莊公不得
 誅母生則絕之死則棄之棄如非流宥之刑也謂棄而不葬
 不得入先公兆域也故必以大眚可肆而後文姜可葬明之
 天子之葬即春秋之葬穀梁無以春秋當新王之義當以公
 羊條例隱括之按劉說非是肆大眚自是當時實事不與莊
 公念母乃春秋之義莊公非能知有父者也觀其娶仇女可
 見莊公既不知其母為有罪之人又安得赦除罪人之事穀
 梁家本無以春秋當新王之義尤不得以公羊師說說穀梁
 也左疏引賈逵說亦以文姜為有罪故赦而後葬以說臣子
 也魯大赦國中罪過欲令文姜之過因是得除以葬文姜夫
 文姜之罪在桓之末莊公即位二十餘年魯之臣子莫不若
 母視之桓公之仇久置度外何忽於其死時罪之者杜氏說
 左傳但以為赦有罪不涉文姜說猶愈於賈氏也劉氏反取
 以說公羊慎矣○注猶為至討賊○文十四年齊公子商人
 弑其君舍又十八年齊人弑其君商人○文十四年齊公子
 子不討賊蓋商人本弑君之賊宜絕齊之臣子不能致討復
 臣事之故商人見弑仍不書葬以責懿公臣子明齊之臣子
 既臣事懿則以懿之臣子之道責之矣猶文姜宜絕魯之君

臣既未知絕宜盡子道而反忌省故責之
故何云本不事母則已不當忌省是也

癸丑葬我小君文姜疏包氏慎言云經春正月肆大省下書癸

文姜有罪不當葬故先赦罪人而後葬文姜
是葬不在正月也麻二月之廿四日為癸丑

文姜者何莊公之母也注輒發傳者起仇母錄子恩凡母在

子年無適庶皆繫子也不在子年適母繫夫庶母繫子言小

君者比於君為小俱臣子辭也文者諡也夫人以姓配諡欲

使終不忘本也疏注輒發至子恩○舊疏云隱元年傳云仲

夫人莊公之母可知而云文姜者何莊公之母故言輒矣今

此經云葬我小君文姜傳云文姜者何莊公之母也者正欲

錄子之恩故備禮而葬之按春秋不與莊公念母今莊公備

禮而葬仇母聖人緣情錄子恩也鄂本仇作隸○注凡母至
子也○此傳文姜者何莊公之母是適母在子年繫諸子者
也其庶母在子年繫之子者則宣八年傳云頃熊者何宣公
之母也襄四年傳云定弋者何襄公之母是也其僖二年傳
云哀姜者何莊公之夫人也在僖年而繫之夫者以僖公非

其所生故也○注不在至繫子○不在子年適母繫夫春秋
無文何氏以理斷之庶母繫子則定十五年哀姜證嫡母繫夫哀姜
者何哀公之母是也舊疏以僖二年哀姜證嫡母繫夫何僖
薨葬皆在僖世不得云不在子年也文五年傳成風者何僖
公之母也在孫年自從庶母在子年例也舊疏云鄉來所言
傳皆葬上乃言某公之母而嫡氏特於卒上發傳者正以
氏之喪直云葬定嫡不得稱小君是以前家亦於葬略之矣
定嫡所以葬不得稱小君公羊之義母以子貴哀公爾時未
爲君是以定嫡未得全同夫人矣○注言小至辭也○毛本
於誤與依宋本正論諸季氏篇邦君之妻稱諸異邦曰寡小
君在本國無庸謙言寡故爲臣子辭也穀梁傳小君非君也
其曰君何也以其爲公配可以言小君也○注文者至本也
○白虎通論篇夫人無諡者何無爵故無諡或曰夫人有諡
夫人一國之母修閨門之則羣下亦化之故設諡以章其善
惡通典引五經通義同後一說蓋即公羊家說以公羊無諡
夫人有諡義也隱元年注云婦人以姓配字不忘本也此以
姓配諡理亦宜然通義云春秋之初下成康未遠諸侯夫人
猶從君之諡猶有莊姜宣姜鄭有武姜皆是也非正嫡則無
諡仲子是不當體君乃反稱定如此末世黷亂作之不應禮法
妾媵氏不當體君乃反稱定如此末世黷亂作之不應禮法

陳人殺其公子禦寇注書者殺君之子重也
疏注書者至重也
○舊疏云正以

不言大夫而得書殺則知其是君之子故也按重者視專殺大夫為重也劉氏逢祿云不言大夫者未為大夫本殺梁義杜云宣公太子也通義云陳世家曰宣公有嬖妾生子欵欲立之乃殺其太子禦寇經不言世子者蓋雖貴宜為太子非嫡長又未替也稱人以殺者歸惡於欵也言欵之志在乎構殺其兒而代之後欵卒不日亦為篡末明故與此事相起禦寇左氏作御寇御禦音義通上十一年左傳公子御說之辭也釋文本木或作禦下二十四年傳御孫諫釋文本一作禦是也蓋皆取上為義故得通

夏五月注

以五月首時者譏莊公取仇國女不可以事先祖奉

四時祭祀猶五月不宜以首時

疏

注以五至首時○鄂本取

秋正離云五月首時其首時何著其異也忘父葬母謀娶仇女異之大者也以天時為于此變矣著變以存其常焉爾按夏為盛陽而以五月首時著陽失正

秋七月丙申及齊高侯盟于防注

防魯地

疏

包氏懺言云秋七月

高侯盟于防麻七月無丙申八月之十日也○注防魯地○蓋臧氏所食邑與隱八年取之宋者異

齊高侯者何貴大夫也疏

通義云等諱必沒公言高侯不貶言及齊人者以其貴須見名氏

也左傳曰有天子之二守國高在謂侯及國歸父之父也言雖貴如高侯猶不得敵諸侯然後君臣之分益正與處父異

者侯大國之卿命乎天子本當言高仲今言高侯即是抑之陽處父本當言名氏故更貶去氏其為降一等同也杜亦云

高侯齊

曷為就吾微者而盟注

據暨與公盟也

疏注據暨至

之貴卿疏云即上九年春公及齊大夫

公也注

以其日微者不得日盟于暨是也鄂本暨作既誤

大夫盟當出名氏疏

注以其至得日○隱元年九月及宋人盟于宿傳曰執及之內之微者也是微

者不日也微者盟例時不能專正故責略之此月者隱公賢君雖使微者有可采取故錄也然則微者且不月此日知非

微者矣唐十九年冬會陳人蔡人楚人鄭人盟于齊是微者時矣此詳錄之知為公○注大夫至名氏○成元年臧孫許

及晉侯盟于赤棘是大夫盟出名氏矣校勘公則曷為不言記云問本監本毛本同修改本出作書蓋非

公諱與大夫盟也疏

通義云于暨言公及齊大夫于防沒公者無君而盟大夫猶可言也有君而盟

大夫公卑矣是以諱之也諸來聘而盟者皆不言公及同此意也